

**ELEMENTA  
GEOMETRIAE  
INFINITESIMORUM  
AUCTORE D.  
HIERONYMO...**

---

Girolamo Saladini



5. A. 362

5 T. A.

XI  
SALADIN

1



# ELEMENTA GEOMETRIAE INFINITESIMORUM

AUCTORE  
D. HIERONYMO SALADINI  
LUCENSI

Monacho Caelestino, & in eadem Congregatione Philosophiae Lectore,  
nec non in Universitate Bononiensi publico Matheseos Professore.

LIBRI TRES.



BONONIAE MDCCCLX.



Ex Typographia S. Thomae Aquinatis.

SUPERIORUM PERMISSU.



Illūo & Rūo Domino

**D. SERAPHINO  
BRANCONE**

THEBARUM ARCHIEPISCOPO.

D. HIERONYMUS SALADINI F.



*Uae potissimum caussae me  
impulerunt, ut opusculum hoc meum,  
qualecumque est, tibi inscriberem,  
Illustrissime, & Reverendissime Prae-  
sul. Nam primum quem mihi ma-*

\*\*\*

gis

gis patronum optarem, quam eum, a quo & splendorem summum, & adjumenta quamplurima, praesertim in litterarum studiis, in Congregationem nostram universam redundarunt? Te autem eum esse nemo unus ignorat; quippe & praeceptis optimis, dum studiis praecesses, in eaque dignitate longe excelleres, & exquisitissima cujuscunque generis doctrina juvenes nostros imbuiisti. Neque vero a promovendis studiis, & Congregatione nostra, quacumque re opus esset, juvanda destitisti: quamquam a Carolo Borbonio tunc Neapolitanorum, nunc Hispanorum Rege invictissimo, primum ad Episcopalem Sedem Gallipolitanam, tum  
ad



ad Thebarum Archiepiscopalem dignitatem vocatum, te a Congregatione nostra, veluti a nostro corpore distraxerint. Huc accedit praeclarissimi Fratris tui in nos studium incredibile, qui sapientissimi illius Regis primarius Rei Ecclesiasticae Administer quum esset, sic negotia nostra tractavit, ut videretur ea quoque in publicis totius Regni negotiis reposuisse. At haec quidem ad universum Caelestinorum Ordinem pertinent. Illa vero mea propria sunt, meque potissimum movent, quod Fratris alterius tui Cherubini, quem nunc Abbatem Generalem habemus, summam, ac prope incredibilem benignitatem & agnovi, & sum expertus. Id  
quod

quod mihi facile omnes credent; quis enim illo aut alacrior in communi re administranda, aut prudentior, aut justior, aut moderatior unquam fuit? Litterarum autem studia quam amanter promovet! quam liberaliter studiosos excipit! quam omni favore, & gratia complectitur! Huic ergo gratum facturum me esse existimaui, si libellum hunc meum, quasi studiorum meorum primitias, tibi, Illustrissime & Reverendissime Praesul, obsequentissime offerrem. Hunc igitur benigne accipe, meque in addictissimis, humillimisque tuis famulis habe.

LE-

## LECTORI.



Uam utilia sint, quinimo & necessaria elementa Geometriae infinitesimorum, facile apprehendere potuit, quicumque animum ad sublimiores cognitiones rerum mathematicarum appulerit. Quum enim fieri nullo pacto possit, ut in illis, nisi quantitatuum infinitesimarum ope, admodum proficiamus, hinc incredibile est, quibus difficultatibus, & erroribus obnoxii sint mathematicarum disciplinarum studiosi, qui affectiones, proprietates, relationesque magnitudinum infinitesimarum non probe teneant. Quae proprietates eo minus perspectae esse solent, quo altius evahuntur, quam proprietates magnitudinum finitarum, quae passim in vulgari

Geo-

Geometria explicantur; potissimum vero, cum neminem adhuc viderim, qui in illis expendendis operam posuerit. Praeclarissimi viri Isaacus Newton, & Gotofridus Leibnitz, omnium primi methodum detexerunt supputandi quantitates infinitesimas, ad quam perficiendam postea sublimiora Europae ingenia insudarunt, & adhuc insudant; sed quamvis talis methodus Geometriae infinitesimorum tota innixa sit, nondum tamen, quod ego sciam, liber prodiit, qui pro ejus Geometriae elementis haberi possit; quamquam viam, ut ita dicam, stravisse videntur & summus Newton, ubi agit de methodo rationum primarum, & ultimarum; & lectissima Foemina Agnesia initio Tomi secundi Institutionum analyticarum. Hinc procul dubio factum est, ut methodi analyticae, quibus plerique utuntur, supputandi quantitates infinitesimas,

nec

nec ita universales interdum sint, quemadmodum haecenus creditum est, nec ita fortasse verae. Quod quum animadvertissem, mecumque ipse reputarem, num tale opus aggredi ipse possem, rem totam communicavi cum Vincentio Riccati Societatis Jesu, viro celeberrimo, & de mathematicis disciplinis optime merito, cui tribuenda est mea, qualiscunque sit, earumdem cognitio; is autem in proposito me confirmavit, omnemque timorem sustulit, quem mihi homini, praesertim adolescenti, & rei magnitudo afferre debebat, & virium infirmitas. Huc accessit etiam auctoritas praeclarissimi viri Francisci Mariae Zanotti a secretis Academiae Bononiensis, qui hoc consilium, supra quam cuique credibile est, mihi commendavit. Illud etiam in mentem veniebat, subtilissimum Rogerium Boscowich, & ipsum Societatis

\*\*\*

Jesu

Jesu, quem Romae cognoveram, in magnitudinum infinitesimarum Synthesi mirum in modum delectari, neque verum Mathematicum existimare, qui hanc non calleret. Hisce de causis permotus non dubitavi Theoremata statim omni studio perquirere, quae rite demonstrata, atque ex ordine proposita, tractationem illam, quam desideraveram, quaeque pro elementis Geometriae infinitesimorum haberi posset, constituerent. Hanc ego emitto in libros tres divisam. In primo doctrinam expeditio triangulorum habentium determinationem ad quantitatem infinitesimam pertinentem, examino differentiam productorum, determinatis differentiis radicum, atque in Appendice hujusce libri considero rectas a vero parallelismo declinantes quantitatem infinitesimam. In secundo verò perpendo differentias arcuum, & angulorum in-


fini-

infinitesimorum , eorumque linearum tri-  
 gonometrarum , atque superficierum ab  
 istis lineis , & solidorum ab istis super-  
 ficiebus genitorum in rotatione semicir-  
 culorum circa diametros . In tertio tan-  
 dem considero curvas generatim , quas  
 mihi , ad maiorem claritatem , ut poly-  
 gona infinitesimorum laterum repraesent-  
 to ; imprimis examino angulos factos a  
 tangentibus cum curva ; deinde metho-  
 dum trado determinandi ex quantitati-  
 bus infinitesimis ordinis inferioris infi-  
 nitesimas ordinis superioris , tam in  
 curvis ad diametros relatis ; quam in  
 curvis relatis ad focum ; trado similiter  
 methodum determinandi rectas maxi-  
 mas , & minimas curvarum , dimetien-  
 di earum curvaturas per circulos oscu-  
 latorios ; ubi ostendo non omnes cur-  
 vas habere tales circulos , atque inutile  
 esse conferre se ad vertices parabolarum

\*\*\*\*

pri-

primariarum, & superiorum pro mensurandis curvaturis; ubi evadunt minores omni circulo finito; ac tandem assigno methodum tutam, atque certam determinandi, & distinguendi in curvis puncta intersectionis, puncta flexus contrarii, atque regressus. Caeterum tibi, Lector benevole, hujus operis judicium relinquo; qui si minus rem ipsam, voluntatem certe, & desiderium meum commendabis. Alii fortasse exemplo meo incitati, quod perficere ego non potui, perficient ipsi, & absolvent. Vale.



Ο' ΘΕΟ'Σ



Ο ΘΕΟΣ Γεωμετρει·



**T**U autem Domine, quantus es Geometra? Quum enim haec scientia nullos terminos habeat; quum in sempiternum novorum theorematum inventioni locus relinquatur, etiam penes humanum ingenium, Tu uno haec omnia intuitu perspecta habes, absque catena consequentiarum, absque taedio demonstrationum. Ad caetera pene nihil facere potest intellectus noster; & tanquam brutorum phantasia, videtur nonnisi incerta quaedam somniare; unde in iis quot sunt homines, tot existunt fere sententiae: in his conspiratur ab omnibus, in his humanum ingenium se posse aliquid, imo ingens aliquid, & mirificum visum est,

ut

ut nihil magis mirum; quod enim in caeteris pene ineptum, in hoc efficax, sedulum, prosperum, &c. Te igitur vel ex hac re amare gaudeo, Te suspicere, atque illum diem desiderare suspiriis fortibus, in quo purgata mente, & claro oculo non haec solum omnia absque hac successiva, & laboriosa imaginandi cura, verum multo plura, & majora, ex tua Bonitate, & immensissima, sanctissimaque Benignitate conspicere, & scire concedetur, &c.

*Cl. Barrowii verba Apollonio  
suo praefixa.*


ELE-

ELEMENTA  
GEOMETRIAE  
INFINITESIMORUM  
*LIBER PRIMUS.*



# DEFINITIONES.

## DEF. I.

EOMETRIA infinitesimorum est scientia, qua considerantur relationes magnitudinum infinitesimarum.

## DEF. II.

Quis quis sibi quantitates aliquas considerandas, atque inter se comparandas proponit, si id, quod agit, paulo diligentius secum reputet, facile intelliget, in unoquoque quantitatum genere se unam quasi primam assumere, ad quam aliae omnes ejusdem generis referantur, cujusque respectu aliarum magnitudines determinentur. Prima illa quantitas, qualiscumque ea sit, dicitur *unitas*; & est quasi communis mensura unitas, quae assumitur, omnesque aliae quantitates, quae ad unitatem proportionem habent finitam,

A

tam,

tam ( idest eam , quae finito numero exprimi possit ) dicuntur *assignabiles* , a nonnullis etiam *finitae* .

*DEF. III.*

Si inducatur quantitas major quacunque assignabili , quaeque idcirco ad unitatem , quae assumpta est , proportionem habeat adeo magnam , ut nullo finito numero possit exprimi , ea dicitur *quantitas infinita* .

*DEF. IV.*

Si inducatur quantitas minor quacunque assignabili , quaeque idcirco ad unitatem , quae assumpta est , proportionem habeat adeo parvam , ut nullo finito numero possit exprimi , ea dicitur *quantitas infinitesima* . Erunt autem infinitesimae aliae omnes quaecunque ad hanc habent proportionem assignabilem , idest finito numero exprimendam , veluti si sint ejus duplae , triplae &c. quod facile patet . Hinc praeter quantitates assignabiles , existit

stet jam alter quantitatum ordo, nempe infinitesimalium. Ac plane constat quantitatem quamvis infinitesimam, quantumcunque ea repetatur, modo finities tantum repetatur, nunquam evadere posse assignabilem; ut ergo evadat assignabilis, necesse esse, ut repetatur infinities; quo sane apparet infinita distantia, quae intercedere dicitur inter quantitates assignabiles, & infinitesimas.

DEF. V.

Porro cum ordinem quempiam induxeris quantitatum infinitesimalium, quae infinite distent ab assignabilibus, nihil impedit, quominus alias etiam quantitates fingas, quae ab illis infinitesimalibus, quas induxisti, eadem ratione distent infinite, quaeque alium infinitesimalium ordinem constituent. Eo modo ad alios aliosque infinitesimalium quantitatum ordines deinceps procedes, quoad libuerit. Is ordo infinitesimalium, quem tibi post quantitates assignabiles primum proponis, dicitur *primus infinitesimalium ordo*. Quem

A 2

tibi

4  
tibi post hunc proponis, dicitur *secundus*.  
Alii deinceps *tertius*, *quartus* &c. Secun-  
dus ordo dicitur superior primo, tertius .  
secundo &c.

DEF. VI.

Numerus naturalis, ex quo ordo infi-  
nitesimorum denominationem suam forti-  
tur, appellatur *numerus ordinis*; hinc or-  
dines summare, unum ab alio subtrahere,  
est summare, & subtrahere numeros  
ordinum.

DEF. VII.

Ordo *duplo*, vel *triplo major* relate  
ad alium ordinem dicitur ille, cujus nu-  
merus est duplus, vel triplus relate ad  
numerus istius ordinis.

AXIO.



## AXIOMATA.

5

### AXIOMA I.

**Q**Uoniam proportio quantitatis infinitesimae ad assignabilem adeo minima est, ut nullo assignabili, aut determinato numero, quantumvis minimo, possit exprimi, idest mensuras omnes fugiat quascunque, ut ut minimas, excogitare, aut determinare possumus; ea re fit, ut, si quantitates assignabiles inter se comparare, certisque mensuris dimeriri velimus, nulla sit nobis ratio habenda quantitatum infinitesimarum; quae idcirco in illa consideratione perinde habentur, ac si nihil plane essent. Quare si quantitati assignabili infinitesima quaevis addatur, aut dematur, illius magnitudo nihil mutari censebitur. Eandem ob causam si quantitati infinitesimae cujusvis ordinis addatur, aut dematur infinitesima ordinis superioris, v. gr. si infinitesimae tertii ordinis addatur, aut dematur infinitesima ordinis quarti, magnitudo illius eadem, quae antea, manere existimabitur.

AXIO-

*AXIOMA II.*

Nulla magnitudo in se infinitesima censi debet, sed tantum relative ad alias; hinc non semper tales magnitudines sperni possunt, sed tantum relative. Hinc etiam fit, ut eadem quantitas possit esse infinitesima diversi ordinis respectu ad diversas quantitates diversorum ordinum.

*AXIOMA III.*

Si quatuor magnitudines sint geometricae proportionales, & antecedens primae rationis sit infinitesimus, vel finitus, vel infinitus relate ad suum consequentem; erit etiam antecedens secundae rationis infinitesimus ejusdem ordinis, vel finitus, vel infinitus relate ad suum consequentem.

PRO-

7  
PROPOSITIO I.

**S**I duae quantitates  $A B$ ,  $D E$  differant a duabus  $A C$ ,  $D F$  infinitesima quantitate; ratio  $A B$  ad  $D E$  non differt a ratione  $A C$  ad  $D F$ . Fig. 1.

Demonst.  $A C$  est ad  $D F$  in ratione composita  $C A$  ad  $A B$ ,  $A B$  ad  $D E$ , &  $D E$  ad  $D F$ ; sed rationes  $C A$  ad  $A B$ , &  $D E$  ad  $D F$  non differunt a ratione aequalitatis. Ergo ratio  $B A$  ad  $D E$  non differt a ratione  $C A$  ad  $D F$ . *Q. E. D.*

SCHOLION.

Linea infinitesima  $B$  potest referri ad assignabilem  $A$  duobus modis. Primum quatenus magnitudinem ejus auget, vel minuit, si ipsi addatur, vel dematur. Hic vero lineola  $B$  pro nihilo habetur; quippe ex ejus additione, vel detractio-  
ne nihil mutatur proportio lineae  $A$  ad aliam quamlibet assignabilem; vel si quid mutatur, mutatio est minor quacunque mutatione assignabili: atque hinc patet,  
nihil

Fig. 2.

nihil referre, utrum lineola B sit major minore, modo sit infinitesima. Secundo potest referri lineola B ad lineam A, quatenus in ipsam infinities ingreditur, & infinities repetita ipsam constituit. Quod nihil sane aliud est, nisi considerare proportionem, quam habet A ad B; quae proportio utique infinita est, nec ullus assignari potest tantus numerus, qui ipsam exprimat. Hic vero plurimum refert, utrum lineola B sit major, vel minor. Etenim quamvis proportio lineae A ad lineolam B sit infinita, tamen erit duplo major, si linea B fuerit duplo minor, & omnino tanto major erit proportio, quanto lineola B minor erit.

Fig. 3.

Ex his illud sequitur: si duabus lineis assignabilibus A B, C D addantur infinitesimae duae, qualescunque sint B X, D Y, proportio assignabilium nihil mutabitur; quippe quod ipsarum magnitudines eadem aestimabuntur, quae antea. Licebit ergo ponere  $A X, C Y :: A B, C D$ .

Nihilque impediet, quominus Euclideanis insistens demonstrationibus, & in-

ver-

9

vertendo argumenteris: ergo  $CY, AX$   
 $:: CD, AB$ ; & alternando; ergo  $AX,$   
 $AB :: CY, CD$ ; & componendo:  
 Ergo  $AX + CY, CY :: AB +$   
 $CD, CD$ ; & dividendo: ergo  $AX -$   
 $CY, CY :: AB - CD, CD$  &c.  
 Idque perpetuo licebit usquedum lineae  
 tantum assignabiles  $AB, AX, CD,$   
 $CY, AX - CY, AB - CD$  &c.  
 in proportionalitatem venerint.

Atqui licet neque invertendo, neque  
 alternando, neque componendo ex illa  
 proportionalitate  $AX, CY :: AB,$   
 $CD$  ullae aliae lineae, praeter quam as-  
 signabiles in proportionalitatem venire  
 possint; tamen dividendo prodire pote-  
 runt, & in proportionalitatem venire duae  
 infinitesimae  $BX, DY$ ; id quod, tum  
 demum accidet, si posito  $AX, AB ::$   
 $CY, CD$ , dividendo argumenteris: er-  
 go  $AX - AB, AB :: CY - CD,$   
 $CD$ . Sive  $BX, AB :: DY, CD$ ,  
 vel quod eodem recidit:  $AB, BX ::$   
 $CD, DY$ .

Quod si quantitates infinitesimae  $BX,$   
 $DY$  in proportionalitatem venerint, ar-

B

gu-

gumentationem illam, quam dividendo instituisti, & unde infinitesimae illae prodierunt, pro falsa habebis; nisi forte lineolae  $BX$ ,  $DY$  positae ab initio fuerint proportionales lineis  $AB$ ,  $CD$ ; vel a duabus, quae sint iisdem  $AB$ ,  $CD$  proportionales, differant quantitate infinitesima ordinis superioris respectu ejus ordinis, cujus sunt ipsae lineae  $BX$ ,  $DY$ ; etenim si  $BX$ , &  $DY$  sint qualescunque, erit etiam qualiscunque proportio  $AB$  ad  $BX$ , & qualiscunque pariter erit proportio  $CD$  ad  $DY$ ; & poterunt proportionales hae duae diversae esse; nec tuto poni poterit  $AB$ ,  $BX :: CD$ ,  $DY$ .

Fig. 4.

Quare si in triangulo  $ABC$  ducta sit linea recta  $DE$  abscindens partes infinitesimas qualescunque  $AD$ ,  $AE$ , licebit utique ponere  $AB$ ,  $AC :: DB$ ,  $EC$ , &  $AB$ ,  $DB :: AC$ ,  $EC$ ; neque hinc tamen licebit dividendo argumentari: ergo  $AD$ ,  $DB :: AE$ ,  $EC$ ; nisi ab initio posita fuerit linea recta  $DE$  parallela rectae  $BC$ , vel discrepans a vero parallelismo quantitate infi-

II

infinitesima, abscindens lineolas  $DA$ ,  $EA$  eandem habentes inter se proportionem, quam habent lineae rectae  $AB$ ,  $AC$ .

## PROPOSITIO II.

**P**osita serie finita quantitarum ejusdem ordinis continue proportionalium  $BA$ ,  $CD$ ,  $MN$  &c. cujus duo proximi termini  $BA$ ,  $CD$  differant quantitate infinitesima  $SD$ : dico omnes proximos terminos finitae seriei differre quantitate infinitesima ejusdem ordinis. Fig. 5.

Demonst. Quoniam  $MN$  est ad  $CD$ , ut  $CD$  ad  $BA$ ; erit etiam dividendo  $MN - CD$  ad  $CD$ , ut  $CD - BA$  ad  $BA$ , hoc est  $NL$  erit ad  $CD$ , ut  $DS$  ad  $BA$ , & permutando  $NL$  erit ad  $DS$ , ut  $CD$  ad  $BA$ ; sed  $CD$ , &  $BA$  sunt ejusdem ordinis: ergo differentiae  $NL$ ,  $DS$  sunt similiter ejusdem ordinis. Cumque eadem demonstratio repeti possit per omnes terminos finitae seriei, ergo patet. *Q. E. D.*

## COROLLARIUM I.

Per propositionem  $L N$  est ad  $D S$ , ut  $C D$  ad  $B A$ : ergo dividendo  $L N - S D$  ad  $S D$ , ut  $S D$  ad  $B A$ ; adeoque differentia differentiarum  $L N$ ,  $S D$  est infinitesima ejusdem ordinis respectu  $S D$ , ac est  $S D$  respectu  $B A$ . Idem dicito de differentiis differentiarum in infinitum.

## COROLLARIUM II.

Cum differentiae  $S D$ ,  $L N$  tamquam aequales considerari possint, hinc quantitates  $B A$ ,  $C D$ ,  $M N$  spectari possunt veluti aequidifferentes, licet sint geometricè proportionales.

## COROLLARIUM III.

Patet etiam differentiam duorum quorumcumque terminorum  $B A$ ,  $M N$  praedictae seriei esse ejusdem ordinis, ac est infinitesima  $D S$ ; quandoquidem differentia illa nihil aliud est, quam ipsa

$D S$



D S repetita vicibus numero finitis ,  
spretis tamen nonnullis infinitesimis re-  
spectivis.

### PROPOSITIO III.

**S**I sint plures quantitates  $A, B, C,$  Fig. 6.  
&c. ita determinatae, ut  $B$  sit infi-  
nitesima respectu  $A$ ,  $C$  sit infinitesima  
respectu  $B$ , & sic deinceps; dico  $C$  es-  
se infinitesimam respectu  $A$  ejus ordinis,  
qui resultat ex summa ordinis  $C$  respec-  
tu  $B$ , cum ordine  $B$  respectu  $A$ .

Demonst. Quantitas  $C$ , ut evadat e-  
jusdem ordinis, ac est quantitas  $A$ , tran-  
sire debet per tot infinita, quot sunt  
unitates in numero ordinis  $C$  respectu  
 $B$ , & in numero ordinis  $B$  respectu  $A$ .  
Ergo numerus ordinis  $C$  respectu  $A$  ha-  
betur si summentur numerus ordinis  $C$   
respectu  $B$ , & numerus ordinis  $B$  respec-  
tu  $A$ ; adeoque ordo  $C$  respectu  $A$   
resultat ex summa ordinis  $C$  respectu  
 $B$ , cum ordine  $B$  respectu  $A$ . *Q. E. D.*

PRO-

## PROPOSITIO IV.

Fig. 7. **S**I sint plures quantitates  $A, B, C$  &c. infinitesimae cujuscunque ordinis, erit factum omnium quantitarum praedictarum infinitesimum ejus ordinis, qui resultat ex summa ordinum quantitarum  $A, B, C$  &c.

Demonst. Sumantur totidem quantitates assignabiles quaecumque  $a, b, c$  &c. quot sunt quantitates infinitesimae  $A, B, C$  &c. tum fiat  $A$  ad  $S$ , ut  $b$  ad  $B$ ,  $S$  ad  $X$ , ut  $c$  ad  $C$  &c. Factum omnium quantitarum assignabilium  $a, b, c$  &c. est ad factum omnium quantitarum  $A, B, C$  &c. in ratione composita  $a$  ad  $A$ ,  $b$  ad  $B$ ,  $c$  ad  $C$  &c. seu in ratione composita  $a$  ad  $A$ ,  $A$  ad  $S$ ,  $S$  ad  $X$  &c. seu in ratione  $a$  ad  $X$ . Sed  $X$  respectu ad assignabilem  $a$  est infinitesima ejus ordinis, qui resultat ex summa ordinis  $X$  respectu  $S$ , &  $S$  respectu  $A$ , &  $A$  respectu  $a$ , (1) ergo factum omnium quantitarum infinitesimarum  $A, B, C$  &c. est ejus ordinis, qui resultat ex summa ordinum omnium quantitarum  $A, B, C$  &c. *Q. E. D.*

(1) per  
3. prop.

PRO-

## PROPOSITIO V.

**I**N circulo si anguli ad centrum, vel ad peripheriam sunt infinitesimi cujuscunque ordinis; erunt etiam arcus, quibus insistant, infinitesimi ejusdem ordinis, & viceversa.

Demonst. Anguli ~~sive~~ ad centrum, si-  
ve ad peripheriam proportionales sunt  
arcubus, quibus insistant, & viceversa;  
sed angulis finitis respondent arcus fini-  
ti, & viceversa: ergo patet. *Q. E. D.*

## PROPOSITIO VI.

**I**N circulo arcus minor  $BC$ , & chor- Fig. 8.  
da  $BC$  sunt ejusdem ordinis.

Demonst. Sumatur arcus minor  $BC$   
in peripheria circuli quoties fieri potest,  
& arcubus ducantur subtensae, quae  
omnes aequales erunt chordae  $BC$ . E-  
rit arcus  $BC$  ad summam omnium ar-  
cuum in peripheria sumptorum, ut sub-  
tensa  $BC$  ad summam omnium subten-  
sarum respondentium. Sed summa om-  
nium

nium arcuum, & summa omnium subtensarum sunt ejusdem ordinis: ergo patet. *Q. E. D.*

### COROLLARIUM I.

Ducta ex centro A recta A M secante bifariam arcum B C in M, haec bisecabit quoque chordam in R ad angulos rectos; adeoque C R erit sinus rectus anguli C A M; hinc sinus rectus, & arcus cujuscunque anguli sunt ejusdem ordinis.

### COROLLARIUM II.

Anguli sive ad centrum, sive ad peripheriam sunt ejusdem ordinis, ac sunt  
 (1) *per* arcus (1); sed arcus sunt ejusdem ordi-  
     *banc*  
     *prop.*  
 (2) *per* nis, ac sunt sinus recti (2): ergo anguli  
     *coroll. I.*  
     *huj. pro.* sunt ejusdem ordinis, ac sunt sinus recti.

### COROLLARIUM III.

Hinc in triangulo rectangulo, ac proinde in triangulo quocunque, cujus anguli

17

guli sunt omnes finiti latera sunt ejusdem ordinis.

## PROPOSITIO VII.

**I**N triangulo rectangulo, & acutangulo unus dumtaxat angulus esse potest infinitesimus: in triangulo verò obtusangulo duo anguli esse possunt infinitesimi, & quidem diversorum ordinum.

Demonst. prima pars. Si duo anguli essent infinitesimi in triangulo rectangulo, & acutangulo; cum tertius ex hypothesis sit rectus, aut acutus; hinc summa trium angulorum in triangulo non aequaret duos rectos: quod est absurdum.

Demonst. secunda pars. In triangulo obtusangulo duo anguli infinitesimi cum angulo obtuso possunt conficere summam duorum rectorum.

C

PRO-

## PROPOSITIO VIII.

Fig. 9. **I**N triangulo acutangulo scaleno  $A B C$  sit. angulus  $B$  infinitesimus; duorum reliquorum angulorum  $A$ , &  $C$  minor sit  $C$ . Dico primùm differentiam anguli  $C$  ab angulo recto esse infinitesimam ejusdem ordinis, cujus est angulus  $B$ . Dico secundùm differentiam anguli  $A$  ab angulo recto posse esse infinitesimam cujuscunque ordinis..

Demonst. prima pars. Ex angulo  $B$  demittatur normalis  $B D$  in basim  $A C$ , haec normalis cadet intra triangulum  $A B C$ ; erit igitur triangulum  $A B C$  divisum in duo triangula rectangula  $A D B$ ,  $C D B$ . Ergo angulus  $A$  cum angulo  $A B D$ , aequalis est angulo  $C$  cum angulo  $C B D$ ; sed ex hypotesi angulus  $C$  minor est angulo  $A$ . Ergo angulus  $C B D$  major est angulo  $A B D$ ; adeoque major est dimidio anguli  $A B C$ ; hinc angulus  $C B D$  est infinitesimus ejusdem ordinis, cujus est angulus  $B$ ; sed angulus  $C B D$  est differentia anguli  $C$  ab angulo recto.. Ergo, angu-

angulus minor  $C$  differt ab angulo recto quantitate infinitesima ejusdem ordinis, cujus est angulus  $B$ . *Q. E. P.*

Pars secunda patet per se.

### COROLLARIUM.

Hinc anguli  $A$ , &  $C$  non possunt differre nisi quantitate infinitesima cujuscunque ordinis incipiendo ab ordine anguli  $B$ .

### PROPOSITIO IX.

**I**N triangulo rectangulo  $BAC$  si unus ex angulis acutis, ex. gr.,  $C$  sit infinitesimus cujuscunque ordinis, erit latus oppositum  $BA$  infinitesimum ejusdem ordinis; reliqua vero latera  $AC$ ,  $BC$  infinitesimum angulum comprehendit differunt quantitate infinitesima ordinis duplo majoris anguli  $C$ . Et viceversa si unum ex lateribus angulum rectum continentibus, ex. gr.,  $BA$  sit infinitesimum cujuscunque ordinis; angulus

Fig. 10.

$C$  2

gulus

gulus ipsi oppositus  $C$  erit infinitesimus ejusdem ordinis.

Demonst. prima pars. In triangulo rectangulo  $BAC$  sit angulus  $A$  rectus, latus oppositum ipsi erit  $BC$ , quo posito pro sinu toto, erit  $BA$  sinus rectus anguli  $C$ . Ergo latus  $BA$  est ejusdem ordinis, cujus est angulus  $C$ . (1)

(1) per  
coroll. 2.  
prop. 6.

Q. E. P.

Demonst. secunda pars. Centro  $C$  intervallo  $CA$  abscindatur  $CM$  aequalis  $CA$ : erit  $BM$  differentia laterum  $AC$ ,  $BC$ ; cum autem rectangulum  $BM$  in  $BC \perp CA$  aequetur quadrato  $BA$ ; hinc ut  $AC \perp CB$  ad  $BA$ , ita  $BA$  ad  $BM$ . Ergo ordo rectae  $BM$  respectu  $BA$ , idem est, ac ordo rectae  $BA$  respectu  $BC$ ; adeoque ordo rectae  $BM$  respectu  $BC$  est duplo major ordine rectae  $BA$  respectu ejusdem  $BC$ , seu est duplo major ordine anguli  $C$ .

Q. E. S.

Pars tertia. Patet ex Corollario Propositionis sextae.

PRO-



## PROPOSITIO X.

**I**N triangulo acutangulo scaleno B A C posito angulo C infinitesimo cujuscunque ordinis, erit latus oppositum infinitesimum ejusdem ordinis; reliqua vero latera B C, A C differre possunt quantitate infinitesima cujuscunque ordinis superioris, incipiendo ab ordine duplo majore anguli C; & viceversa si latus unum B A sit infinitesimum cujuscunque ordinis, erit angulus oppositus C infinitesimus ejusdem ordinis.

Fig. 11.

Demonst. prima pars. Ponatur angulus A minor angulo B. Quoniam angulus A ex hypothesi est finitus, hinc ducta ex angulo majori B normale B R in latus C A, erunt in triangulo rectangulo A B R sinus totus A B, & sinus rectus B R ejusdem ordinis (1); sed sinus rectus B R est infinitesimus ejusdem ordinis, ac est angulus C (2). Ergo latus A B erit infinitesimum ejusdem ordinis, ac est angulus C. *Q. E. P.*

(1) per  
coroll. 2.  
prop. 6.(2) per  
9. prop.

Demonst. secunda Pars. Angulus acutus A differt a recto per angulum A B R. infini-

(1) per  
8. prop.

(2) per  
pr. part.  
hui. prop.  
pos.

(3) per  
9. prop.

infinitesimum ejusdem ordinis, ac est angulus  $C$  (1). Ergo in triangulo rectangulo  $A B R$  recta  $A R$  est infinitesima respectu  $A B$  ejusdem ordinis, cujus est  $A B$  respectu  $A C$  (2); adeoque  $A R$  est infinitesima respectu  $A C$  ordinis duplo majoris anguli  $C$ . Ergo recta  $A C$  excedit rectam  $C R$  quantitate infinitesima ordinis duplo majoris anguli  $C$ ; sed  $C B$  excedit  $C R$  quantitate infinitesima ordinis duplo majoris anguli  $C$  (3). Ergo latera  $A C$ ,  $C B$  differre non possunt nisi quantitate infinitesima ordinis duplo majoris anguli  $C$ , vel alterius ordinis superioris. *Q. E. S.*

Pars tertia patet ex demonstratione primæ partis.

## PROPOSITIO XI.

Fig. 12.

**I**N triangulo obtusangulo  $B A C$  si angulus unus  $C$  sit infinitesimus; erit latus  $B A$  oppositum infinitesimum ejusdem ordinis; reliqua vero latera  $B C$ ,  $C A$  differunt quantitate infinitesima ordinis

dinis ipsius anguli  $C$ : & viceversa si unus ex angulis acutis, ex. gr.,  $B$  sit finitus, & latus tantum, quod continetur inter angulum obtusum  $A$ , & acutum finitum  $B$  sit infinitesimum; erit angulus  $C$  oppositus infinitesimus ejusdem ordinis.

Demonst. prima pars. Ex angulo obtuso  $A$  demittatur normalis  $AR$  in latus  $BC$ ; erunt anguli  $B$ , &  $BRA$ ,  $RAB$  finiti; hinc  $AB$ ,  $BR$ ,  $RA$  sunt ejusdem ordinis (1); sed  $AR$  est ejusdem ordinis, cujus est angulus  $C$  (2). Ergo  $BA$ ,  $BR$  sunt ordinis ejusdem, cujus est angulus  $C$ . *Q. E. P.*

(1) per  
coroll. 3.  
prop. 6.

(2) per  
9. prop.

Pars secunda.  $BC$  excedit  $CR$  quantitate  $BR$  infinitesima ordinis anguli  $C$ ; sed  $CR$  non differt a  $CA$  nisi quantitate infinitesima ordinis duplo majoris anguli  $C$  (3); hinc (cum haec secunda differentia sit infinitesima respectu ad primam  $BR$ )  $BC$  excedit  $CA$  quantitate infinitesima ordinis ejusdem, cujus est angulus  $C$ . *Q. E. S.*

(3) per  
9. prop.

Pars tertia patet ex demonstratione primae partis.

PRO-

## PROPOSITIO XII.

Fig. 13. **I**N triangulo obtusangulo  $A B C$ , in quo angulus unus  $C$  est infinitesimus, si angulus obtusus  $A B C$  major sit angulo recto, quantitate infinitesima ordinis cujuscunque superioris; incipiendo ab ordine anguli  $C$  inclusive, erit differentia laterum infinitesimum angulum comprehendentium infinitesima ordinis duplo majoris anguli  $C$ ; si vero angulus obtusus  $A B C$  major sit angulo recto quantitate infinitesima ordinis inferioris relate ad ordinem anguli  $C$ ; differentia laterum  $C A$ ,  $C B$  erit infinitesima ordinis, qui resultat ex summa ordinis anguli  $C$  cum ordine differentiae anguli  $B A C$  a recto.

Demonst. prima pars. Ex puncto  $B$  erigatur normalis  $B S$  ad  $B C$ ; erit angulus  $A B S$  differentia anguli  $A B C$  a recto. Quoniam angulus  $A B S$ , vel est infinitesimus ejusdem ordinis, ac est angulus  $C$ , vel ordinis superioris per suppositionem; hinc in triangulo obtusangulo  $A S B$  erit  $A S$  respectu  $A B$ ,  
vel

vel infinitesima ordinis anguli  $C$ , vel ordinis superioris; (1) adeoque  $A S$  respectu  $B C$  vel erit infinitesima ordinis duplo majoris anguli  $C$ , vel ordinis superioris (2). Ergo, cum  $S C$  excedat  $B C$  quantitate infinitesima ordinis duplo majoris anguli  $C$  (3),  $A C$  excedit  $B C$  quantitate infinitesima ordinis duplo majoris anguli  $C$ . *Q. E. P.*

(1) per  
11. prop.

(2) per  
3. prop.

(3) per  
9. prop.

Demonst. secunda pars.  $A S$  respectu  $A B$  est infinitesima ordinis anguli  $A B S$ ;  $A B$  respectu  $B C$  est infinitesima ordinis anguli  $C$ . Ergo  $A S$  respectu  $B C$  est infinitesima ordinis anguli  $A B S$  summati cum ordine anguli  $C$  (4); sed  $S C$  excedit  $C B$  quantitate infinitesima ordinis duplo majoris anguli  $C$ . Ergo, cum haec infinitesima sit respectu  $A S$ , erit  $A S$  differentia inter latera  $A C$ ,  $B C$  infinitesima ordinis, qui resultat ex ordine anguli  $A B S$  summato cum ordine anguli  $C$ . *Q. E. S.*

(4) per  
3. prop.

### SCHOLION.

Ex omnibus triangulis angulum unum  
D infi-

infinitesimum habentibus, si fuerit isoscele, erit differentia laterum angulum infinitesimum continentium absolute nulla; si fuerit acutangulum scalenum, differentia laterum esse potest. cujuscunque ordinis superioris, incipiendo ab ordine duplo majoris anguli infinitesimi. Si fuerit rectangulum, vel obtusangulum, in quo angulus obtusus major est recto quantitate infinitesima cujuscunque ordinis superioris, incipiendo ab ordine anguli infinitesimi trianguli, erit differentia laterum ordinis duplo majoris anguli infinitesimi; si fuerit obtusangulum, in quo angulus obtusus major est recto quantitate infinitesima ordinis inferioris relate ad ordinem anguli infinitesimi trianguli, erit differentia laterum ordinis, qui resultat ex ordine anguli infinitesimi trianguli summato cum ordine differentiae anguli obtusi a recto. Si tandem angulus sit finite obtusus, differentia erit ordinis anguli infinitesimi.

PRO-

27

PROPOSITIO XIII.

**I**N triangulo obtusangulo  $A B C$ , si duo anguli  $A$ , &  $C$  sint infinitesimi ejusdem ordinis, omnia latera sunt ejusdem ordinis; differentia vero lateris  $A C$  obtuso angulo  $B$  oppositi a lateribus  $A B$ ,  $B C$  obtusum angulum continentibus est infinitesima ordinis duplo majoris angulorum  $A$ , &  $C$ : viceversa si in triangulo obtusangulo  $A B C$  latera  $A B$ ,  $B C$ ,  $C A$  sunt ejusdem ordinis, & angulus  $B$  differat a duobus rectis quantitate infinitesima, erunt anguli  $A$ , &  $C$  infinitesimi ejusdem ordinis.

Fig. 14.

Demonst. prima pars. Ex angulo obtuso  $B$  in basim  $A C$  demittatur normalis  $B S$ ; haec respectu ad latus  $B C$  erit infinitesima ejusdem ordinis, ac est angulus  $C$ ; similiter  $B S$  respectu  $A B$  est infinitesima ejusdem ordinis, ac est angulus  $A$  (1); sed anguli  $A$ , &  $C$  sunt ejusdem ordinis per suppositionem; ergo normalis  $B S$  est ejusdem ordinis, tum respectu  $B C$ , tum respectu  $B A$ ; ergo

(1) per  
9. prop.

D 2

late-

latera  $B C$ ,  $B A$  sunt ejusdem ordinis; quod tertium  $A C$  sit ejusdem ordinis, ac sunt  $B A$ ,  $B C$ , per se clarum est. Patet igitur *Q. E. P.*

Demonst. secunda pars.  $B C$  differt a  $C S$  quantitate infinitesima ordinis duplo majoris anguli  $C$ , seu anguli  $A$ ; similiter  $A B$  differt ab  $A S$  quantitate infinitesima ordinis duplo majoris anguli  $A$  (1). Ergo  $B A \pm B C$  differt ab  $A C$  quantitate infinitesima ordinis duplo majoris anguli  $A$ , vel  $C$ . *Q. E. S.*

(1) per  
9. prop.

Pars tertia patet ex prima.

#### PROPOSITIO XIV.

Fig. 14. **I**N triangulo obtusangulo  $A B C$ , si duo anguli  $A$ , &  $C$  sint infinitesimi diversorum ordinum; erit latus  $B A$  oppositum angulo  $C$  infinitesimo ordinis superioris & ipsum infinitesimum; & quidem ejus ordo habetur, si subtrahatur ordo anguli  $A$ , ab ordine anguli  $C$ . Latera vero  $B C$ ,  $C A$  angulum infinite-



nitescimum  $C$  comprehendencia differunt quantitate  $A B$ . Viceversa si latus  $B A$  sit infinitesimum, & angulus  $B$  differat a duobus rectis quantitate infinitesima; erit angulus oppositus  $C$  infinitesimus: & quidem ejus ordo habetur, si summetur ordo lateris  $A B$  cum ordine anguli, quo differt angulus  $B$  a duobus rectis.

Demonst. prima pars. Ex angulo obtuso  $B$  in latus  $A C$  demittatur normalis  $B S$ . Ordo rectae  $B S$  respectu  $B C$  idem est, ac ordo anguli  $C$  (1). Ergo recta  $B S$ , ut evadat ejusdem ordinis, cujus est  $B C$ , transire debet per tot infinita, quot sunt unitates in numero ordinis anguli  $C$ ; similiter recta  $B S$  respectu  $B A$  est infinitesima ejusdem ordinis, cujus est angulus  $A$  (2). Ergo  $B S$ , ut sit ejusdem ordinis, ac est  $B A$ , transire debet per tot infinita, quot sunt unitates in numero ordinis anguli  $A$ . Ergo recta  $A B$ , ut sit ejusdem ordinis, cujus est  $B C$ , transire debet per tot infinita, quot sunt unitates in differentia ordinis anguli  $A$  ab ordine anguli  $C$ . *Q. E. P.*

(1) per  
9. prop.

(2) per  
9. prop.

De-

Demonst. secunda pars. Quoniam angulus  $A$  est infinitesimus, rectae  $AB$ ,  $AS$  differunt quantitate infinitesima ordinis duplo majoris anguli  $A$  relate ad  $AB$ , quemadmodum rectae  $CB$ ,  $CS$  differunt quantitate infinitesima ordinis duplo majoris anguli  $C$ ; ergo, cum  $AS$ , seu  $AB$  sit differentia laterum  $AC$ ,  $SC$ , erit etiam differentia laterum  $AC$ ,  $BC$  spretis nonnullis infinitesimis respectivis. *Q. E. S.*

Pars tertia patet ex prima.

## PROPOSITIO XV.

Fig. 14. **I**N triangulo obtusangulo  $ABC$ , in quo sunt duo anguli  $A$ , &  $C$  infinitesimi diversi ordinis, erit differentia, quae intercedit inter latus  $AC$  obtuso angulo oppositum, & latera  $AB$ ,  $BC$  obtusum angulum continentia, infinitesima ejus ordinis, qui resultat ex summa ordinum angulorum  $A$ , &  $C$ .

Demonst. Differentia, quae intercedit inter  $AS$ , &  $AB$  est infinitesima ordinis

dinis duplo majoris anguli A (1) relate (1) per  
 ad A B; sed A B relate ad A C est 9. prop.  
 infinitesima ordinis, qui resultat ex sub-  
 tractione ordinis anguli A ab ordine an- (2) per  
 guli C (2). Ergo differentia, quae in- 14. prop.  
 tercedit inter latera A S, A B, est in-  
 finitesima ordinis, qui resultat ex sum-  
 ma ordinis anguli A, cum ordine an-  
 guli C (3). Differentia, quae intercedit (3) per  
 inter latera B C, C S est infinitesima 3. prop.  
 ordinis duplo majoris anguli C (4). (4) per  
 Igitur, cum haec differentia infinitesima 9. prop.  
 sit relate ad primam, erit illa differen-  
 tia, quae intercedit inter latus A C,  
 & latera A B, B C. Q. E. D..

## PROPOSITIO XVI.

**I**N triangulo rectangulo, & acutangu-  
 lo, in quo angulus unus est infini-  
 tesimus, reliqui anguli pro aequalibus  
 accipi possunt; minime vero in trian-  
 gulo obtusangulo, in quo angulus unus  
 est infinitesimus..

Prima pars patet ex natura trianguli  
 rectan-

rectanguli, & ex corollario propositionis octavae. Altera pars per se est manifesta.

### SCHOLION.

Haec propositio, licet per se clara, attamen sedulo perpendenda est; multum enim conducit ad evitandos paralogismos, dum agitur de quantitatibus infinitesimis. Etenim innuit, quod licet aliqua figura spretis quantitatibus infinitesimis possit habere nonnullas proprietates communes aliis figuris, nihilominus non sequitur illam habere omnes proprietates istarum figurarum. Sic, ex. gr., ex propositionibus IX., X., XI. spretis quantitatibus infinitesimis, quibus differunt latera angulum infinitesimum comprehendentia, sequitur latera illa esse aequalia; ac proinde triangula in hoc casu habere praecipuam proprietatem trianguli isoscelis: male ex hoc quis concluderet praedicta triangula habere omnes proprietates trianguli aequicruris; ut videre est potissimum in triangulo obtusan-

obtusangulo, in quo angulus unus est infinitesimus. Sic etiam per propositionem praesentem in triangulo rectangulo, in quo angulus unus est infinitesimus, reliqui anguli, spectis differentiis infinitesimis, sunt aequales. Ex hoc tamen colligendum non est, triangulum illud habere reliquas proprietates trianguli aequicruris; quod sic demonstro. Proprietas una trianguli aequicruris est, quod, ducta ex vertice in basim normale, basis bisecetur; haec proprietas non verificatur in triangulo rectangulo, in quo angulus unus est infinitesimus. Igitur omnes proprietates, quae de aliqua figura, spectis infinitesimis, adstruuntur, rigoroso ratiocinio sunt demonstrandae.

## PROPOSITIO XVII.

**I**N triangulo  $A B C$ , in quo omnes anguli sunt finiti, si latus unum  $C B$  augeatur, vel minuatur infinitesima quantitate  $C D$ ; dico angulum  $A$  oppositum augeri, vel minui, & angulum  $C$  ex  
E parte

Fig. 15.

parte fluxionis  $CD$  viceversa minui, & augeri quantitate infinitesima ejusdem ordinis; latus  $AC$  ex parte fluxionis  $CD$ , & totum triangulum  $BAC$  similiter augeri, vel minui quantitate infinitesima ejusdem ordinis.

(1) per  
coroll. 3.  
prop. 6.

(2) per  
9. prop.

Demonst. pars prima. Ex puncto  $C$  in  $AD$ , si opus est, productam demittatur normalis  $CR$ . Cum hypotenusa  $CD$  sit infinitesima, & anguli  $RC D$ ,  $RDC$  sint finiti; erunt  $CR$ ,  $RD$  infinitesimae ejusdem ordinis (1); adeoque angulus  $CAR$  est infinitesimus ejusdem ordinis (2), sicuti & triangulum  $CAD$ . Ergo. angulus  $BAC$  auctus est, vel imminutus; & viceversa angulus  $ACB$  imminutus est, vel auctus quantitate  $CA$  infinitesima ejusdem ordinis, ac est  $CD$ . *Q. E. P.*

Demonst. secunda pars. Quoniam triangulum  $CAD$  est infinitesimum ejusdem ordinis, cujus est  $CD$ ; erit triangulum  $BAC$  auctum, vel imminutum infinitesima quantitate ejusdem ordinis, cujus est  $CD$ ; & cum  $AR$  non differat ab  $AC$ , nisi quantitate infinitesima  
ordi-

35

ordinis duploma<sup>35</sup>ioris  $CR$ , seu  $CD$   
 (1), &  $RD$  fit infinitesima ejusdem or- (1) per  
 dinis, cujus est  $CD$ ; hinc  $AC$  au<sup>9. prop.</sup>cta  
 est, vel imminuta quantitate infinitesima  
 ejusdem ordinis, cujus est  $CD$ . *Q. E. S.*

### SCHOLION.

Facile demonstrari potest, si angulus  
 $BAC$ , aut triangulum  $BAC$ , ma-  
 nente latere  $AB$ , & angulo  $B$ , augea-  
 tur, vel minuatur infinitesima quantita-  
 te, etiam latus  $BC$  augeri, vel minui  
 infinitesima quantitate ejusdem ordinis;  
 ac proinde verificari inversam proposi-  
 tionem.

### PROPOSITIO XVIII.

**S**I duo latera  $BD$ ,  $BE$  trianguli  $B$  Fig. 16.  
 $DE$  augeantur, vel minuantur pro-  
 portionaliter infinitesima quantitate, e-  
 tiam latus  $DE$ , & triangulum  $BDE$   
 augebitur, vel minuetur quantitate infi-  
 nitesima ejusdem ordinis.

Prima pars patet.

E 2

De-

Demonst. secunda pars. Triangulum  $D B E$  est ad triangulum  $A B C$ , ut quadratum  $B E$  est ad quadratum  $B C$ , seu ut  $B E$  ad  $M$  tertiam proportionalem post  $B E$ ,  $B C$ ; ergo dividendo trapezium  $D A C E$  est ad triangulum  $A B C$ , ut  $B E - M$  ad  $M$ ; sed  $B E - M$  est infinitesima ejusdem ordinis, cujus est  $C E$  (1). Ergo trapezium  $D A C E$  est infinitesimum ejusdem ordinis, cujus est  $C E$ . *Q. E. S.*

(1) per  
coroll. 3.  
prop. 2.

### PROPOSITIO XIX.

Fig. 17. **S**I latera  $B D$ ,  $B H$  rectanguli  $B A$  augeantur, vel minuantur infinitesima quantitate  $B G$ ,  $B F$ , dico in primo casu rectangulum  $A B$  augeri rectangulis  $B D$  in  $B F$ ,  $B H$  in  $B G$ ,  $F B$  in  $B G$ ; in altero casu minui rectangulis  $B D$  in  $B F$ ,  $B H$  in  $B G$  minus rectangulo  $F B$  in  $B G$ .

Demonstratio utriusque partis patet ex sola inspectione figurae.

SCHO-



## SCHOLION I.

Ex sola inspectione etiam figurae solidae, si adesset, constaret differentiale parallelepipedum facti a rectis  $A, B, C$ , auctis quantitatibus infinitesimis  $S, X, Z$ , esse parallelepipeda  $B A Z, B C S, A C X, S X C, X Z A, S Z B, S X Z$ . Hinc facile erui potest differentiale facti plurium quantitarum  $A, B, C, D, \&c.$  contineri summa productorum ex singulis differentialibus quantitarum  $A, B, C, D, \&c.$  in factum omnium quantitarum, exclusa illa, cujus est differentiale, una cum summa productorum ex omnibus ambis differentialium in factum omnium quantitarum, exclusis illis, quarum sunt differentialia ambi, & sic deinceps ex omnibus ternis, quaternis, quinternis, &c. usque ad factum omnium differentialium.

Fig. 18.

## SCHOLION II.

Cum autem summae productorum ex omnibus ambis, ternis, quaternis, &c.  
dif-

differentialium in facta respectiva quantitatatum assignabilium, juxta scholion praecedens, sint infinitesimae relate ad summam productorum ex singulis differentialibus in factum omnium quantitatatum assignabilium, exclusa illa, cujus est differentiale (positis tamen differentiis ejusdem ordinis); hinc summae illae relate ad hanc spernuntur. Verum aliquando evenit, ut summa haec sit nulla, & in hoc casu non erit spernenda summa productorum ex omnibus ambis &c.; & si haec pariter sit nulla, tunc non erit despicienda summa productorum ex omnibus ternis &c., & sic deinceps usque ad ultimum factum ex omnibus differentialibus. En exemplum, quo declaratur quomodo fieri possit, ut factum ex singulis differentialibus &c. sit nullum: latus  $B D$  quadrati  $A B$  minuatur infinitesima quantitate  $B G$ ; erit quadratum  $A B$  imminutum rectangulo infinitesimo  $H G$  ordinis  $G B$ : latus  $L G$  augeatur infinitesima quantitate  $G F$  aequali  $B G$ ; rectangulum  $A G$  auctum erit rectangulo  $D F$  infinitesimo ordinis  $G F$ ; sed  
 rectan-

Fig. 17.

rectangulum  $H G$  excedit rectangulum  $G E$  quadrato  $G B$  infinitesimo relate ad ipsa rectangula. Ergo differentia ordinis  $G B$  evadit nulla, & remanet differentia ordinis duplo majoris  $G B$ . Verum haec clarius per analysim infinitesimorum comprehenduntur.

## PROPOSITIO XX.

**P**otentiae caedem rectarum  $A B$ ,  $D C$ , quae differunt quantitate infinitesima  $L A$ , & ipsae differunt quantitate infinitesima ejusdem ordinis; & viceversa. Fig. 19.

Demonst. prima pars. Potentia rectae  $A B$  est ad potentiam rectae  $D C$ , ut  $B A$  ad unam  $M$  ex continue proportionalibus post  $B A$ ,  $D C$  in serie finita; ergo dividendo potentia  $B A$  minus potentia  $D C$  est ad potentiam  $D C$ , ut  $B A$  minus  $M$  ad  $M$ . Sed  $B A$  minus  $M$  est infinitesima ejusdem ordinis  $L A$  (1). Ergo differentia potentiarum est infinitesima ejusdem ordinis. *Q. E. P.*

(1) per  
coroll. 3.  
prop. 2.

Pars

40

Pars secunda fere eodem modo demonstratur.

### COROLLARIUM.

Hinc differentiae quadratorum, circularum, cuborum, sphaerarum habentium radices, vel radios, qui differunt quantitate infinitesima, erunt & ipsae infinitesimae ejusdem ordinis.

### SCHOLION.

Haec propositio applicari etiam potest polygonis similibus, quorum latera relative differunt quantitate infinitesima, tum ejusdem ordinis, tum diversorum; sed in hac ultima suppositione aliqua cautio est adhibenda; etenim ad evitandos paralogismos juvat recurrere ad quadrata totius periphaeriae polygonorum, vel ad quadrata laterum, quae differunt quantitate infinitesima ordinis inferioris. Ratio hujus rei invenietur, si polygonum in triangula similia dividantur, & si reiterentur propositiones XIX. & XX. libri  
sexti

sexthi Euclidis: & hîc rursus adverto non esse praecipitose ratiocinio concludendum, figuras, quae, spretis infinitesimis, habent aliquam proprietatem aliis communem, habere etiam omnes; sed prius videndum est, num differentiae illae infinitesimae turbent demonstrationes, quibus probatur unam ab alia profluere.

## APPENDIX.

**Q**Uoniam rectae a vero parallelismo declinantes quantitate infinitesima, acceptae a minus cautis pro parallelis facilem viam sternant ad paralogismos; hinc proposueram suppressere phrasim illam: *accipi possunt, ut parallelae*: contentus dumtaxat monuisse, recursum esse habendum ad doctrinam triangulorum expositam, ex qua pendet illa rectarum parallelarum, quando istarum proprietates examinandae occurrunt cum differentiis infinitesimis. Verum, ut clarius paralogismorum fontes adpareant, operae pretium duxi sequentia, in hac appendice, de rectis parallelis exponere.

F

Paral-

Fig. 20.

Parallelismus rectarum  $A X$ ,  $D Y$  duas condiciones comprehendit. Prima est, quod in utramlibet partem quantumvis productae nunquam concurrant. Altera est, quod distantiae duae, ubi vis, sumptae  $A D$ ,  $Z E$  aequales plane sint. Hinc omnes parallelarum proprietates ducuntur.

Declinabunt lineae rectae  $A X$ ,  $D Y$  a parallelismo infinite parum, si inclinetur  $A X$  sic, ut transeat in  $A T$ , sitque angulus  $X A T$  infinitesimus. Quo posito concurrent  $A T$ ,  $D T$  ad distantiam infinitam  $E T$ , & distantiae  $A D$ ,  $C E$  different differentia infinitesima  $Z C$ , five  $A B$ . Censebuntur autem  $A T$ ,  $D T$  habere utramque parallelismi conditionem: primam, quia ad nullam assignabilem distantiam concurrunt: alteram, quia distantiae  $A D$ ,  $C E$  pro aequalibus, cum differentia sit infinitesima, haberi possunt.

In hoc autem illud excipe: si, sumpta  $D R$  infinita, minori tamen, quam  $D T$ , notaretur distantia  $V R$ ; differentia profecto inter  $A D$ , &  $V R$  esset  
affi-

assignabilis; neque profecto distantiae  $A D$ ,  $V R$  possent haberi pro aequalibus.

Quare donec intervallum  $D E$  inter distantias  $A D$ ,  $C E$  erit assignabile, distantiae ipsae  $A D$ ,  $C E$  haberi poterunt pro aequalibus, & tractus  $A C$ ,  $D E$  servabunt alteram parallelismi conditionem; sed si intervallum  $D R$  sit infinitum, quoniam distantiae  $A D$ ,  $V R$  nequaquam pro aequalibus haberi poterunt, tractus  $A V$ ,  $D R$  carebunt secunda conditione parallelismi, primam conditionem servabunt; est enim angulus  $T$  infinitesimus, ideoque distantia  $R T$ , ad quam concurrunt  $A V$ ,  $D R$ , infinita sit oportet, si cum  $R V$  comparatur. Igitur si lineas rectas parallelas ex prima conditione definias, erunt  $A V$ ,  $D R$  parallelae; si ex secunda, non erunt. Si qui autem de parallelismo restarum  $A V$ ,  $D R$  contendere velit, videat, ne quaestionem de nomine instituat.

Illud vero ad rem maxime pertinet. Rectae  $A V$ ,  $D R$  (sive parallelae dicantur, sive non) hoc certe habent,

F 2

quod

quod, ducta, ubi vis,  $GL$ , quae secet  $AV$  in  $G$ ,  $DR$  in  $L$ , anguli alterni  $DLG$ ,  $LGT$  sunt aequales; nam, cum angulus  $DLG$ , ut externus, sit aequalis duobus internis, & oppositis  $LGT$ ,  $LTG$ , sitque  $LTG$  infinitesimus, potest  $DLG$  aequalis censeris angulo  $LGT$ . Habent ergo lineae rectae  $AV$ ,  $DR$  hanc utique proprietatem, aliasque, quae maxime in parallelis celebrari solent; quaeque non ex aequalitate distantiarum  $AD$ ,  $VR$  pendent, sed ex sola infinita parvitate anguli  $T$ .

Haec haecenus dixi ponens  $AB$  quidem infinitesimam,  $CB$  vero, &  $CE$  assignabiles. Videamus jam parallelismo quid fiat, si tres rectae  $AB$ ,  $CB$ ,  $CE$  ponantur vel omnes infinitesimae, vel tantum aliquae. Fortasse expedientur omnia quatuor Theorematis.

THEO-



## THEOREMA I.

**S**I sit  $AB$  infinitesima, tum respectu  $CB$ , tum respectu  $CE$ , tractus  $AC$ ,  $DE$  habere censebuntur utramque parallelismi conditionem. Primam, quia, cum sit  $AB$  infinitesima respectu  $CB$ , erit infinitesimus angulus  $ACB$ ; ergo etiam angulus  $T$ ; ergo erit  $ET$  infinita respectu  $EC$ ; ergo  $AC$ ,  $DE$  concurrent ad distantiam infinitam. Secundam, quia, cum  $AB$  infinitesima sit respectu  $CE$ , poterunt  $AD$ ,  $CE$  haberi pro aequalibus.

## SCHOLION.

Si sumptueris  $ER$  infinitam respectu  $EC$ , sed minorem, quam  $TE$ , ac notaveris distantiam  $RV$ ; tractus  $AV$ ,  $DR$  habebunt primam conditionem parallelismi propter angulum infinitesimum  $T$ . Non habebunt secundam; nam, ut patet, non poterunt  $AD$ ,  $VR$  sumi pro aequalibus.

SCHO-

Quamvis  $A V$ ,  $D R$  careant secunda conditione parallelismi, tamen si  $G L$  secet  $A V$  in  $G$ ,  $D R$  in  $L$ , erunt anguli alterni  $G L D$ ,  $L G T$  aequales; scilicet propter angulum infinitesimum  $T$ .

## THEOREMA II.

**S**I sit  $A B$  infinitesima respectu  $C B$ , non vero respectu  $C E$ ; tractus  $A C$ ,  $D E$  habebunt primam conditionem parallelismi, non vero secundam. Habebunt primam, quia, cum sit  $A B$  infinitesima respectu  $C B$ , erit angulus  $A C B$  infinitesimus; ergo etiam angulus  $T$  erit infinitesimus; ergo erit  $E T$  infinita respectu  $E C$ ; ergo lineae  $A C$ ,  $D E$  concurrent ad distantiam infinitam. Non habebunt secundam, quia cum  $A B$  non sit infinitesima respectu  $C E$ , non poterunt  $A D$ ,  $C E$  sumi pro aequalibus.

SCHO-

## SCHOLION.

Ubicumque tamen ducatur  $GL$  secans  $AT$  in  $G$ ,  $DT$  in  $L$ , anguli alterni  $GLD$ ,  $LGT$  erunt aequales propter angulum infinitesimum  $T$ .

## THEOREMA III.

**S**I sit  $AB$  infinitesima respectu  $CE$ , non vero respectu  $CB$ ; tractus  $AC$ ,  $DE$  carebunt prima conditione parallelismi; habebunt secundam &c.

Carebunt prima, quia cum  $AB$  non sit infinitesima respectu  $CB$ , angulus  $ACB$  erit assignabilis; ergo etiam angulus  $T$ ; ergo  $ET$  non erit infinita respectu  $EC$ ; ergo  $AC$ ,  $DE$  non concurrent ad distantiam infinitam. Habebunt secundam, quia, cum sit  $AB$  infinitesima respectu  $CE$ , poterunt  $AD$ ,  $CE$  haberi pro aequalibus.

SCHO-

Ubicumque ducatur  $GL$ , ut supra, anguli alterni minime pro aequalibus haberi poterunt, cum sit angulus  $T$  assignabilis.

## THEOREMA IV.

**S**I  $AB$  non sit infinitesima neque respectu  $CB$ , neque respectu  $CE$ ; tractus  $AC$ ,  $DE$  neutram habebunt parallelismi conditionem.

Ac ducta  $GL$ , ut supra, anguli alterni minime sumi poterunt pro aequalibus.

Haec satis patent ex dictis.







Fig. 18.


A	_____	S
B	_____	X
C	_____	Z

A L B

Fig. 19.

D	_____	C
---	-------	---

M









A

Fig. 2.

B







ELEMENTA  
GEOMETRIAE  
INFINITESIMORUM  
*LIBER SECUNDUS.*



## PROPOSITIO I.



**I**N circulo, posito arcu  $C M$  Fig. 1.  
 infinitesimo cujuscunque ordi-  
 nis, erunt tangens  $C S$ ,  
 chorda  $C M$ , sinus rectus  $L M$   
 infinitesima ejusdem ordinis; pars  $S M$   
 secantis  $B S$  supra radium  $B M$ , & si-  
 nus versus  $C L$  erunt infinitesima ordi-  
 nis duplo majoris anguli  $C B M$ , seu  
 arcus  $C M$ .

Demonst. prima pars. Cum arcus  $C M$   
 sit infinitesimus, erit angulus  $C B M$   
 infinitesimus ejusdem ordinis (1); sed  
 anguli  $B C M$ ,  $B M C$ , &  $B C S$ ,  
 $C S B$  sunt finiti; ergo  $S C$ ,  $C M$ ,  
 $M L$  sunt infinitesima ejusdem ordinis  
 anguli  $C B M$ , seu arcus  $C M$  relate  
 ad diametrum finitam  $C B$  (2). *Q. E. P.*

Demonst. secunda pars. In triangulo  
 rectangulo  $B C S$ , quia angulus  $C B S$   
 est infinitesimus, erit  $M S$  ordinis du-  
 plo majoris tangentis  $C S$  (3), seu ar-  
 cus  $C M$ ; ergo quia  $L M$  parallela est  
 $G 2$   $C S$ ,

(1) per  
 5. prop.  
 lib. 1.

(2) per  
 prop. 9.  
 & 10.  
 lib. 1.

(3) per  
 prop. 9.  
 lib. 1.

52  
C S, erit C L infinitesima ordinis duplo majoris arcus C M. *Q. E. S.*

*COROLLARIUM.*

B M est ad B L, ut M S est ad C L; dividendo C L est ad L B, ut M S — C L est ad C L; sed C L est infinitesima ordinis duplo majoris arcus C M; ergo differentia inter M S, & C L est ordinis duplo majoris ordinis rectae C L, seu quadruplo majoris arcus C M.

*SCHOLION.*

Claritatis gratia in decursu hujus libri suppono arcum C M esse infinitimum primi ordinis, licet demonstrationes extendi possint ad ordines superiores, ut attendenti patebit.

PRO-

## PROPOSITIO II.

**I**N circulo, posito arcu  $M N$  infinites- Fig. 2.  
 mo primi ordinis, segmentum  $M X N$   
 terminatum ab arcu  $M X N$ , & ejus  
 chorda  $M F N$ , & trilineum  $M X N C$   
 terminatum ab arcu  $M X N$ , tangente  
 $M C$ , & intercepta  $C N$ , erunt infinites-  
 ima tertii ordinis.

Demonst. prima pars. Ex centro  $S$   
 ducatur  $S F X$  normalis ad  $M N$ , con-  
 jungantur  $M X$ ,  $X N$ ; erit  $F X$  secundi  
 ordinis infinitesimorum (1). Ergo rectan-  
 gulum  $M N$  in  $F X$  erit infinitesimum  
 tertii ordinis (2); sed segmentum  $M X N F$   
 mediat inter rectangulum  $M N$  in  $F X$ ,  
 & triangulum  $M X N$ , seu dimidium  
 praedicti rectanguli. Igitur, cum rectan-  
 gulum  $M N$  in  $F X$ , & ejus dimidium  
 $M X N$  sint infinitesima tertii ordinis,  
 erit etiam segmentum  $M X N F$  & ipsum  
 infinitesimum tertii ordinis. *Q. E. P.*

(1) per  
 primam  
 proposi-  
 tionem.  
 (2) per  
 prop. 4.  
 lib. I.

Demonst. secunda pars. Ex puncto  $N$   
 ducatur tangens  $LN$ ; erunt  $M L$ ,  $LN$   
 aequales; similiter  $L N$ , &  $L C$  non  
 dif-

differunt nisi quantitate infinitesima respective; nam in triangulo rectangulo  $L N C$  angulus  $N L C$  est infinitesimus; ergo etiam  $L C$  non differt ab  $L M$  nisi quantitate infinitesima respective; ac proinde triangula  $C M N$ ,  $L N C$  sunt ejusdem ordinis; sed triangulum  $M N C$  est infinitesimum secundi ordinis relate ad triangulum  $C M S$ , seu-infinitesimum tertii relate ad quantitatem assignabilem. Ergo triangulum  $N L C$  est infinitesimum tertii ordinis: cum autem trilineum  $M X N C$  mediet inter triangulum  $M C N$ , & triangulum  $L C N$ , erit & ipsum infinitesimum tertii ordinis. *Q. E. S.*

### PROPOSITIO III.

Fig. 3. **I**N circulo, posito arcu  $N M$  infinitesimo primi ordinis, tangens  $M C$ , arcus  $M N$ , chorda  $M N$ , sinus rectus  $G N$  differunt quantitate infinitesima tertii ordinis.

Demonst. Tangens  $M C$ , arcus  $M N$ ,  
chor-

chorda  $MN$  sunt, ut triangulum  $MSC$ ,  
 sector circuli  $MSN$ , & quadrilate-  
 rum  $SMXN$ ; sed ista differunt quan-  
 titate infinitesima tertii ordinis; nam tri-  
 lineum  $MXNC$ , & segmenta  $MX$ ,  
 $XN$  sunt infinitesima tertii ordinis (1). (1) *per*  
 Ergo & illa differunt quantitate infinite- 2. *prop.*  
 sima tertii ordinis; cum omnes termini  
 tam in prima, quam in secunda serie  
 sint infinitesimi primi. Quod chorda  $MN$   
 excedat sinum rectum  $NG$  infinitesima  
 quantitate tertii ordinis patet (2). *Q. E. D.* (2) *prop.*  
 9. *lib. I.*

#### PROPOSITIO IV.

**I**N Triangulo  $ABC$  obtusangulo, Fig. 4.  
 in quo duo anguli  $A$ , &  $C$  sunt in-  
 finitesimi, erunt latera  $AB$ ,  $BC$  in  
 ratione angulorum oppositorum.

Demonst. Per punctum  $C$  ducatur  $CL$   
 parallela ad  $AB$ , quæ concurrat cum  
 $BS$  (normali ex angulo obruso  $B$  ad  
 rectam  $AC$ ) producta in  $L$ , & centro  
 $C$  intervallo  $CS$  describatur arcus  $MSN$ .  
 Recta  $AB$  est ad rectam  $BC$ , ut  $AS$   
 est

(1) *prop.* est ad  $S C$  (1), seu ut  $B S$  est ad  $S L$ ,  
 9. *lib. I.* seu ut arcus  $S M$  est ad arcum  $S N$  (2),  
 (2) *per* seu ut angulus  $B C A$  est ad angulum  
 3. *prop.*  $A C L$ , seu ut angulus  $B C A$  est ad  
 angulum  $A$ . *Q. E. D.*

### COROLLARIUM I.

Hinc duo triangula rectangula  $A S B$ ,  
 $C S B$ , quae habent eandem altitudinem,  
 & angulum isti oppositum infinitesimum,  
 habent etiam bases  $A S$ ,  $S C$ ; ac pro-  
 inde hypotenusas  $A B$ ,  $B C$  in ratio-  
 ne reciproca angulorum infinitesimorum.

### COROLLARIUM II.

Fig. 5. Quin immo si duo triangula  $A L M$ ,  
 6. 7. 8.  $O B C$  habeant duo latera  $A L$ ,  $B O$   
 aequalia, angulos  $A L M$ ,  $O B C$  cir-  
 cumjacentes lateribus  $A L$ ,  $B O$  habe-  
 ant similiter aequales, & angulos  $M$ ,  
 &  $C$  praedictis lateribus oppositos ha-  
 beant infinitesimos; habent etiam latera  
 $L M$ ,  $C B$ , &  $A M$ ,  $O C$  in ratione  
 reciproca angulorum infinitesimorum.  
 Ete-



Etenim ex punctis  $A$ , &  $O$  ducantur normales  $AQ$ ,  $OP$  ad rectas  $LM$ ,  $CB$  productas, si opus est; cum anguli  $MLA$ ,  $CBO$  sint aequales, & anguli  $Q$ , &  $P$  sint recti, erunt etiam aequales anguli  $LAQ$ ,  $BOP$ ; adeoque in triangulis  $QAL$ ,  $BOP$ , cum sint etiam rectæ  $AL$ ,  $BO$  aequales, erunt etiam aequales normales  $AQ$ ,  $OP$ ; hinc latera  $AM$ ,  $OC$ , &  $QM$ ,  $PC$  sunt in ratione reciproca angulorum infinitesimorum  $M$ , &  $C$ ; sed  $QM$  non differt ab  $LM$ ,  $PC$  non differt a  $BC$ ; ergo etiam  $LM$ ,  $BC$  sunt in ratione reciproca angulorum infinitesimorum  $M$ , &  $C$ .

#### SCHOLIION.

Advertendum est hanc propositionem cum suis corollariis verificari, spectatis nonnullis differentiis infinitesimis, non vero absolute.

H

PRO-

## PROPOSITIO V.

Fig. 3. **P**ositis, quae supra posuimus propositione tertia, differentia sinus recti  $GN$  a chorda  $MN$  non differt a quarta parte differentiae sinus recti  $GN$  a tangente  $MC$ .

Demonst. Ex puncto  $N$  ducatur  $NR$  normalis ad tangentem  $MC$ , erit  $RC$  differentia sinus recti a tangente: tum centro  $M$  intervallo  $MN$  abscindatur  $MQ$  a tangente  $MC$ , erit  $RQ$  differentia sinus recti a chorda. Cum  $SM$  sit ad  $MC$ , ut  $NR$  ad  $RC$ , erit rectangulum  $SM$  in  $RC$  aequale rectangulo  $MC$  in  $RN$ : similiter cum  $MQ + MR$  sit ad  $RN$ , ut  $RN$  ad  $RQ$ , &  $MQ + MR$  non differat a  $2MR$ , seu a recta  $ON$ , hinc ratio  $ON$  ad  $NR$  non differt a ratione  $NR$  ad  $RQ$ ; sed ratio  $ON$  ad  $NR$ , seu ad  $GM$ , eadem est, ac ratio  $2GA$  ad  $GN$ , seu  $MR$ . Ergo ratio  $2GA$  ad  $MR$  non differt a ratione  $NR$  ad  $RQ$ ; sed ratio  $2GA$  ad  $MR$  non differt a  
ratio.

ratione 2 M A ad M R, & ratio 2 M A ad M R non differt a ratione 2 M A ad M C. Ergo ratio 2 M A ad M C non differt a ratione R N ad R Q; adeoque rectangulum 2 M A in R Q non differt a rectangulo M C in R N, seu a rectangulo S M in R C; & per consequens 2 M A est ad M S, ut R C ad R Q; sed M S est quarta pars 2 M A. Ergo R Q non differt a quarta parte R C. *Q. E. D.*

### COROLLARIUM.

Hinc differentia sinus recti G N a chorda M N non differt a tertia parte differentiae chordae M N a tangente M C.

### PROPOSITIO VI.

**S**It A O S M quadrans circuli C M L, Fig. 9.  
in radio A O sumantur duo puncta  
P, Q, per quae ducantur duae ordina-  
tae normales ad A O, & intercipientes  
H 2 ar-

arcum  $MN$  infinitesimum primi ordinis, diffitum ab extremitatibus quadrantis  $AS$  arcibus finitis  $MA$ ,  $NS$ ; dico differentiam abscissarum  $AP$ ,  $AQ$ , & ordinatarum  $PM$ ,  $QN$  esse quantitatem infinitesimam primi ordinis.

Demonst. Ordinata  $NQ$  producaturs usquedum concurrat cum circulo in  $L$ , & ex puncto  $M$  ducatur  $MG$  parallela ad radium  $AO$ , quæ producaturs usquedum concurrat cum circulo in  $C$ ; erit  $PQ$ , seu  $GM$  differentia abscissarum  $AP$ ,  $AQ$ , &  $GN$  erit differentia ordinatarum  $PM$ ,  $QN$ . Cum ex hypothefi arcus  $NS$ ,  $MA$  sint finiti, erunt etiam arcus  $CN$ ,  $LM$  finiti; hinc anguli  $CMN$ ,  $LMN$  sunt finiti; adeoque in triangulo rectangulo  $MGN$  omnes anguli sunt finiti, & per consequens latera  $MN$ ,  $MG$ ,  $GN$  sunt ejusdem ordinis (1); sed arcus  $MN$ , ac proinde chorda  $MN$  est infinitesima primi ordinis per suppositionem. Ergo etiam latera  $MG$ ,  $GN$ , seu differentia ordinatarum, & abscissarum erit infinitesima primi ordinis. *Q. E. D.*

(1) per  
corol. 3.  
prop. 6.  
lib. I.

CO-

## COROLLARIUM.

Si arcus  $NS$  sit infinitesimus, erit arcus  $MS$  infinitesimus primi ordinis; ac proinde arcus  $CS$  cum arcu  $NS$ , seu arcus  $CN$  erit infinitesimus primi ordinis; hinc angulus  $CMN$  erit infinitesimus primi ordinis; adeoque  $GN$  respectu  $NM$  erit infinitesima primi ordinis (1); sed  $NM$  est infinitesima primi ordinis; ergo  $GN$  erit infinitesima secundi ordinis. Si vero arcus  $MA$  sit infinitesimus, erit arcus  $AN$ , ac proinde arcus  $LA$  infinitesimus primi ordinis; adeoque etiam arcus  $LM$ , & per consequens angulus  $LMN$  erit infinitesimus primi ordinis; ergo  $GM$  respectu  $MN$  erit infinitesima primi ordinis (2); sed  $MN$  est infinitesima primi ordinis; ergo  $GM$  erit infinitesima secundi ordinis.

(1) per  
9. prop.  
lib. 1.

(2) per  
9. prop.  
lib. 1.

PRO-

## PROPOSITIO VII.

Fig. 10. **S**It  $MS$  arcus circuli  $LMN$  infinitesimus primi ordinis, cui substandatur chorda  $MS$ ; per punctum  $M$  ducatur  $MR$  tangens circulum, & per punctum  $S$  ducatur utcumque recta  $NS$  secans circulum extra arcum infinitesimum  $MS$ , & concurrens cum tangente  $MR$ ; dico angulum  $MSR$  factum a chorda  $MS$  cum secante  $NS$  producta vel esse infinitum, vel infinitesimum primi ordinis; angulum  $NRM$  factum a secante  $NR$ , & tangente  $MR$  vel esse finitum, vel infinitesimum cujuscunque ordinis; ac tandem angulum  $SMR$  factum a chorda  $SM$ , & tangente  $MR$  esse infinitesimum primi ordinis.

Demonst. prima pars. Tota peripheria circuli est mensura duorum rectorum ad peripheriam ipsam; cum igitur arcus  $NAM$  sit mensura anguli  $NSM$ , seu duorum  $SMR$ ,  $SRM$ , erit arcus  $NSM$  mensura anguli  $MSR$ ; sed arcus  $NSM$  vel est finitus, vel infi-

infi-

infinitesimus primi ordinis; quia ad minimum semper remanet arcus  $M S$  infinitesimus primi ordinis; ergo angulus  $M S R$  vel erit finitus, vel infinitesimus primi ordinis. *Q. E. P.*

Demonst. secunda pars. Ex arcu  $N M$  abscindatur arcus  $N X$  aequalis  $M S$ , & jungantur puncta  $X, S$ ; erit angulus  $N S X$  aequalis angulo  $S M R$ ; cum igitur arcus  $N M$  sit mensura duorum angulorum  $S M R$ ,  $S R M$ , & arcus  $N X$  sit mensura anguli  $N S X$ , seu  $S M R$ ; erit arcus  $X M$  mensura anguli  $N R M$ ; sed arcus  $X M$  potest esse finitus, & infinitesimus cujuscunque ordinis; ergo angulus  $N R M$  potest esse finitus, & infinitesimus cujuscunque ordinis. *Q. E. S.*

Pars tertia patet; cum arcus  $M S$  infinitesimus primi ordinis sit mensura anguli  $S M R$ .

### COROLLARIUM..

Cum arcus  $X A M$ ,  $N S M$  sint mensura angulorum  $M R S$ ,  $M S R$ ; hinc  
si ar-

si arcus  $X A M$ , &  $N S M$  sint finiti,  
 & aequales, erunt etiam anguli  $M R S$ ,  
 $M S R$  aequales: si vero sunt finiti, sed  
 differunt quantitate infinitesima; & tunc  
 anguli  $M S R$ ,  $M R S$  sunt pariter fi-  
 niti, & differunt quantitate infinitesima:  
 vel tandem arcus sunt finiti, sed diffe-  
 runt quantitate finita; & tunc anguli  
 $M R S$ ,  $M S R$  sunt finiti, & eorum  
 differentia erit finita, hoc est unus erit  
 obtusus. In prima suppositione  $S R$  in-  
 tercepta inter circulum, & tangentem e-  
 rit secundi ordinis, & differentia inter  
 $M S$ ,  $M R$  erit absolute nulla; in se-  
 cunda suppositione intercepta  $S R$  erit  
 secundi ordinis, & differentia inter  
 $M S$ ,  $M R$  potest esse cujuscunque or-  
 dinis incipiendo a tertio; in tertia tan-  
 dem suppositione intercepta  $S R$  erit se-  
 cundi ordinis, & differentia inter  $M S$ ,  
 $M R$  erit similiter secundi ordinis: quod  
 totum patet ex scholio propositionis XII.  
 Lib. primi. Si vero arcus  $X A M$ , vel  
 $N S M$  sunt infinitesimi primi ordinis,  
 erit angulus  $M R S$ , vel  $M S R$  infi-  
 nitesimus primi ordinis; hinc  $S R$ ,  $S M$ ,  
 $M R$



M R in hac suppositione erunt infinitesimae primi ordinis ; & differentia inter M S, & M R erit ejusdem ordinis (1). Si tandem arcus X A M sit infinitesimus ordinis superioris, erit angulus R infinitesimus ordinis superioris ; adeoque S R respectu S M potest esse infinitesima cujuscunque ordinis (2).

(1) *prop.*  
13. *lib.*  
I.

(2) *per*  
*prop.* 14.  
*lib.* I.

### PROPOSITIO VIII.

**S**It quadrans circuli A B C, ducanturque ordinatae P M, Q N productae usquedum concurrant cum circulo in T, & S, quaeque intercipient arcum M N infinitesimum primi ordinis ; tum per punctum M ducatur tangens M O, quae concurrat cum Q N producta in O. Si arcus A M, N C sunt finiti, vel si arcus A M est infinitesimus cujuscunque ordinis superioris, incipiendo a secundo ( ducta ex M normali M R ad Q O ); ratio Q O ad O R non differt a ratione Q N ad N R: si vero arcus N C sit infinitesimus cujuscunque

Fig. 11.

I

or-

ordinis, vel  $A M$  sit primi, tunc ratio  $Q O$  ad  $O R$  differt a ratione  $Q N$  ad  $N R$ .

Demonst. prima pars. Si arcus  $A M$ ,  $N C$  sunt finiti, erunt etiam finiti arcus  $T A M$ ,  $S N M$ ; hinc cum arcus  $T A M$  sit mensura anguli  $S O M$ , & arcus  $S N M$  sit mensura anguli  $M N O$ , erunt etiam finiti anguli  $M O N$ ,  $M N O$ ; igitur cum angulus  $N M O$  sit infinitesimus primi ordinis, erit intercepta  $N O$  infinitesima secundi ordinis (1); sed  $R N$  est infinitesima primi ordinis (2); ergo  $Q N$  non differt a  $Q O$ , neque  $R N$  differt ab  $R O$ ; & per consequens ratio  $Q O$  ad  $R O$  non differt a ratione  $Q N$  ad  $N R$  (3). *Q. E. P.*

(1) per  
doctri-  
nam tri-  
angulo-  
rum lib.  
I.  
(2) per  
6. prop.  
(3) per  
prop. I.  
lib. I.

Demonst. secunda pars. Quoniam arcus  $A M$  est infinitesimus cujuscunque ordinis superioris, incipiendo a secundo, erit recta  $P M$  infinitesima ejusdem ordinis (4); sed  $Q N$  est infinitesima primi ordinis per suppositionem; ergo  $P M$ , seu  $Q R$  est infinitesima respectu  $R N$ ; adeoque ratio  $Q N$  ad  $N R$  non differt a ratione aequalitatis; & multo magis

(4) per  
10. prop.

gis non differt a ratione aequalitatis ratio  $QO$  ad  $OR$ ; adeoque ratio  $QO$  ad  $OR$  non differt a ratione  $QN$  ad  $NR$ . *Q. E. S.*

Demonst. tertia pars. Si arcus  $NC$  est infinitesimus cujuscunque ordinis, erunt arcus  $TAM$ ,  $SNM$  finiti, ac proinde erunt etiam finiti anguli  $MON$ ,  $ONM$ ; hinc  $NO$  erit infinitesima secundi ordinis (1); sed  $RN$  est pariter infinitesima secundi ordinis (2); ergo ratio  $QO$  ad  $OR$  differt a ratione  $QN$  ad  $NR$ . *Q. E. T.*

(1) per  
doctrinam  
triangulorum  
lib. 1.

(2) per  
coroll.  
prop. 6.

Demonst. quarta pars. Si tandem arcus  $AM$  est infinitesimus primi ordinis, erit  $NO$  infinitesima primi ordinis (3); sed  $RN$  est infinitesima primi ordinis (4). Ergo  $RN$ ,  $NO$  sunt infinitesimae ejusdem ordinis; & per consequens ratio  $QO$  ad  $OR$  differt a ratione  $QN$  ad  $NR$ . *Q. E. Q.*

(3) per  
coroll.  
prop. 7.  
(4) per  
6. prop.

### COROLLARIUM.

Si arcus  $NC$  sit infinitesimus cujuscunque ordinis, erunt rectae  $RN$ ,  $RO$

I 2

in-

(1) *per*  
*coroll.*  
*prop. 6.,*  
*& 7.*

infinitesimae secundi ordinis (1), & R M infinitesima primi ordinis, tandem Q N, Q O, erunt finitae. Ergo quarta proportionalis post N R, N Q, R M; vel post O R, O Q, R M erit infinita. Si arcus A M sit infinitesimus primi ordinis, erit R M secundi ordinis; Q N, N R, & R O, Q O sunt infinitesimae primi ordinis (2). Ergo quarta proportionalis post Q N, N R, R M, vel post Q O, O R, R M erit infinitesima secundi ordinis.

(2) *per*  
*coroll.*  
*prop. 6.*

## PROPOSITIO IX.

Fig. 11.

**P**ositis, quae supra posuimus. propositione praecedenti, dico triangulum M R N sumi posse pro triangulo M R O ad determinandam subtangentem circuli.

Demonst. Si arcus A M, & N C sunt finiti, vel si arcus A M sit infinitesimus cujuscunque ordinis superioris, incipiendo a secundo, tunc ratio Q N ad N R

(3) *per*  
*8. prop.*

non differt a ratione Q O ad O R (3); adeoque quarta proportionalis post R N, Q N,

$Q N$ ,  $R M$  non differt a quarta proportionali post  $Q O$ ,  $O R$ ,  $R M$ , hoc est, non differt a subtangente. Si vero arcus  $N C$  sit infinitesimus cujuscunque ordinis, vel  $A M$  sit primi, cum quarta proportionalis in primo casu sit infinita, & in secundo casu infinitesima secundi ordinis, quodcunque ex illis duobus triangulis sumatur; hinc patet &c. *Q. E. D.*

### SCHOLION.

In ultima suppositione, licet quarta proportionalis inventa per triangulum  $N R M$  sit infinita, aut infinitesima, quemadmodum etiam subtangens, attamen in se multum discrepant; quod sequenti exemplo demonstro. Sit quadrans circuli  $V Q N M$ , in radio  $V Q$  sumatur  $Q P$  infinitesima primi ordinis, tum per punctum  $P$  ducatur  $P M$  parallela ad  $Q N$ , per punctum  $M$  ducatur tangens  $X M T$ , quae cum  $Q N$  producta concurrat in  $T$ , & cum  $Q V$  producta concurrat in  $X$ ; deinde ducatur chorda  $N M$ , quae concurrat cum  $Q V$  producta

Fig. 12.

cta

(1) *per*  
3. *prop.*

cta in S; tandem per punctum M ducatur M R parallela ad Q V. Est proprietas circuli notissima, quod angulus R M N aequalis sit angulo N M T, ac proinde ratio T M ad R M eadem est, ac ratio T N ad N R; sed ratio T M ad M R non differt a ratione aequalitatis (1). Ergo ratio T N ad N R non differt a ratione aequalitatis; ac proinde recta R N non differt a dimidio rectae R T. Praeterea in triangulo Q N S erit Q S ad R M, ut Q N ad N R; ac proinde rectangulum Q S in R N est aequale rectangulo Q N in R M: similiter rectangulum Q X in R T est aequale rectangulo Q T in R M; sed rectangulum Q N in R M non differt a rectangulo Q T in R M. Ergo etiam rectangulum Q S in R N non differt a rectangulo Q X in R T; & per consequens ratio R N ad R T non differt a ratione Q X ad Q S; sed R N non differt a dimidia parte rectae R T. Ergo etiam Q X non differt a dimidia parte rectae Q S; sed Q X est vera subtangens. Ergo in hac suppositione, vera sub-

tan-

tangens, licet infinita, tamen est dimidia subtangens suppositae  $QS$ . Quod animadversione dignum est.

## PROPOSITIO X.

**I**N arcu  $FL$  infinitesimo primi ordinis sumatur arcus  $PQ$  infinitesimus cujuscunque ordinis superioris, tum per  $L$  ducatur  $LX$  tangens circulum, & per puncta  $P$ , &  $Q$  ducantur normales  $PE$ ,  $QK$  ad diametrum  $BAC$ , quae ex chorda  $FL$  abscindant partem  $MN$ , & productae in  $X$ , &  $Z$  abscindant  $XZ$  ex tangente  $LX$ ; oportet determinare differentiam chordae  $PQ$  a recta  $MN$ , tum differentiam ejusdem chordae  $PQ$  a recta  $XZ$ . Fig. 13.

Const. Per punctum  $Q$  ducatur  $QO$  parallela ad rectam  $FL$ , quae producta concurrat cum  $EP$  producta similiter in  $O$ ; per punctum vero  $X$  ducatur  $XR$  parallela ad rectam  $PQ$ , quae concurrat cum  $KQ$  producta in  $R$ ; efformata jam erunt duo triangula  $PQO$ ,  $XZR$ ,  
ex

ex quorum determinatione dependet solutio problematis: nam ex determinatione trianguli  $P Q O$  eruitur differentia inter rectas  $P Q$ ,  $Q O$ , seu inter rectas  $P Q$ ,  $M N$ ; ex determinatione trianguli  $X R Z$  eruitur differentia inter rectas  $X Z$ ,  $X R$ , seu inter rectas  $X Z$ ,  $P Q$ . Determinationes autem triangulorum  $P Q O$ ,  $X Z R$  dependent in primis ex ordine rectae  $P Q$ , seu  $X R$ , tum ex determinatione angulorum  $P Q O$ ,  $Z X R$ , hoc est, ex angulo aberrationis rectae  $P Q$  a parallelismo cum recta  $FL$ , & ex angulo aberrationis ejusdem rectae  $P Q$  a parallelismo cum tangente  $L X$ ; tandem dependent ex determinatione angulorum  $O P Q$ ,  $X R Z$ , seu anguli  $P Q Y$ , seu arcus  $P Y$ . *Q. E. F.*

### COROLLARIUM.

Sit arcus  $P Q$  infinitesimus secundi ordinis, erit similiter chorda  $P Q$  infinitesima secundi ordinis (1); arcus  $P F$  sit absolute nullus, & in hac suppositione punctum  $P$  coincidit cum puncto  $F$ ,  
ac

(1) per  
1. prop.



ac proinde ob parallelismum rectarum  $QO$ ,  $FL$  efformatur angulus  $LFQ$  aequalis angulo  $PQO$ ; sed angulus  $LFQ$  est infinitesimus primi ordinis, quia insistit arcui  $QL$  infinitesimo primi ordinis. Ergo etiam angulus  $PQO$  erit infinitesimus primi ordinis. In hisce determinationibus, vel arcus  $PY$  erit infinitesimus secundi ordinis, ( nam ad minimum semper remanet arcus  $PQ$  infinitesimus secundi ordinis, ac proinde evanescente arcu  $PB$  remanet  $BY$  infinitesimus secundi ordinis ); vel arcus  $PY$  est infinitesimus primi ordinis, vel est finitus, sed minor semicirculo quantitate finita, vel minor semicirculo quantitate infinitesima, vel aequalis perfecte semicirculo, vel major quantitate infinitesima, vel major quantitate finita, vel discrepans a circulo quantitate infinitesima primi ordinis, vel quantitate infinitesima secundi ordinis; & tunc angulus  $PQY$ , seu  $OPQ$ , vel erit infinitesimus secundi ordinis, vel erit infinitesimus primi ordinis, vel erit finitus, & acutus, vel finitus, & rectus,

K vel

vel finitus, & obtusus discrepans a recto, quantitate infinitesima, vel obtusus discrepans a recto quantitate finita, vel obtusus discrepans a duobus rectis quantitate infinitesima primi ordinis, vel obtusus minor duobus rectis quantitate infinitesima secundi ordinis; in omnibus hisce casibus facile est determinare per doctrinam triangulorum expositam in primo libro differentiam inter  $PQ$ , &  $OQ$ , seu  $MN$ . Eadem est methodus, si arcus  $FP$  sit infinitesimus cujuscunque ordinis, quemadmodum etiam arcus  $PQ$  sit infinitesimus cujuscunque ordinis. Quidquid dictum est de hoc triangulo  $PQO$ , idem dicito de triangulo  $XZR$ , quod inservit ad determinandam differentiam inter rectas  $XZ$ ,  $XR$ , seu  $PQ$ .

### PROPOSITIO XI.

Fig. 14. **S**it  $CD$  arcus circuli infinitesimus primi ordinis, in quo sumatur arcus  $NM$  infinitesimus cujuscunque ordinis.  
supe-

superioris; per punctum  $D$  ducatur  $DB$  tangens circulum, tum ex centro  $A$  per puncta  $M$ , &  $N$  ducantur rectae  $ANB$ ,  $AMZ$ , quae ex chorda  $CD$  abscindant partem  $PQ$ , ex tangente vero  $DB$  abscindant partem  $BZ$ . Oportet determinare differentiam inter chordam  $MN$ , & rectam  $PQ$ , tum differentiam inter eandem chordam  $MN$ , & rectam  $BZ$ .

Const. Ex punctis  $Z$ , &  $P$  ducantur  $ZX$ ,  $PO$  parallelae ad chordam  $MN$ ; efformata jam erunt duo triangula  $PQO$ ,  $XZB$ ; ex determinatione primi trianguli eruitur differentia inter  $PQ$ , &  $PO$ , ex determinatione secundi trianguli eruitur differentia inter rectas  $BZ$ , &  $ZX$ : differentia vero inter rectas  $PO$ , &  $MN$ , inter  $MN$ , &  $ZX$  facile erui potest ex interceptis  $MP$ , &  $MZ$ ; cum  $PO$ ,  $MN$ ,  $ZX$  sint parallelae. *Q. E. F.*

Facile dignosci potest differentiam inter rectas  $M N$ ,  $P Q$ , & inter rectas  $M N$ ,  $B Z$  esse semper infinitesimam respective ad ipsas; nam  $P Q$  non potest differre a  $P O$  nisi per quantitatem infinitesimam respectivam, cum angulus  $Q P O$  sit semper infinitesimus, & anguli  $P O Q$ ,  $O Q P$  sint semper finiti; similiter  $P O$  non potest differre ab  $M N$  nisi quantitate infinitesima respective, nam intercepta  $P M$  semper esse debet infinitesima. Idem dicito de rectis  $M N$ ,  $X Z$ , &  $B Z$ .

## PROPOSITIO XII.

Fig. 15. **S**It  $E B$  arcus circuli infinitesimus primi ordinis,  $E B$  sit ejus chorda,  $E N$  sinus rectus; dico segmentum sphaericum  $E B F$  genitum ab arcu  $E B$ , dum semicirculus  $D E B$  rotatur circa diametrum  $D B$ , non differre a cono sexquialtero coni  $E B F$  geniti in eadem rota-

rotatione a triangulo rectangulo  $ENB$ ,  
nisi quantitate infinitesima sexti ordinis.

Demonst. Segmentum sphaericum  $EBF$   
aequatur cono, cujus basis est circulus  
radii  $NE$ , altitudo vero est  $NO$  com-  
posita ex intercepta  $NB$ , &  $BO$  quar-  
ta proportionali post rectas  $ND$ ,  $CD$ ,  
 $NB$ , per theoremata Archimedis; sed  
 $CD$  non differt a dimidia  $ND$ , nisi  
quantitate infinitesima secundi ordinis,  
nam  $DB$  non differt a  $DN$ , nisi quan-  
titate  $NB$  infinitesima secundi ordinis.  
Ergo pariter dimidia  $DB$ , seu  $DC$   
non differt a dimidia  $ND$ , nisi quan-  
titate infinitesima secundi ordinis; adeo-  
que  $BO$  non differt a dimidia  $NB$  ni-  
si quantitate infinitesima secundi ordi-  
nis respectu, ac proinde  $NO$  non  
differt a parte sexquialtera rectae  $NB$ ,  
nisi quantitate finitissima secundi ordi-  
nis respectu; sed coni  $EBF$ ,  $EOF$ ,  
qui habent pro basi eundem circulum  
radii  $NE$ , sunt ut altitudines  $NB$ ,  $NO$ ;  
ergo etiam conus  $EOF$  non differt a  
parte sexquialtera coni  $EBF$  nisi  
quantitate infinitesima secundi ordinis  
respectu.

(1) *per*  
*prop. 3.*  
*lib. 1.*

respective ; sed conus  $E O F$ ,  $E B F$  sunt infinitesimi quarti ordinis (1); nam bases , & altitudines horum conorum sunt infinitesimae secundi ordinis; ergo differentia conus  $E O F$  a parte sexquialtera conus  $E B F$  est infinitesima sexti ordinis. *Q. E. D.*

### COROLLARIUM.

Hinc ratio segmenti sphaerici  $E B F$  ad conum , cuius basis est circulus radii  $E N$  , altitudo vero intercepta  $N B$  , non differt a ratione , quae intercedit inter tria , & duo .

### PROPOSITIO XIII.

Fig. 16. **S**It  $A B$  arcus circuli infinitesimus primi ordinis ,  $A C$  sit sinus rectus ,  $A B$  sit chorda ,  $F B$  sit sinus totus ,  $M B$  sit tangens ,  $F A M$  sit secans ejusdem arcus ; tum semicirculus  $B A L$  concipiatur rotari circa diametrum  $B F L$  ; dico circulum genitum a tangente  $M B$  ,  
seg-

segmentum superficiei sphaericae genitum ab arcu  $AB$ , & circulum genitum a sinu recto  $AC$  differre inter se quantitate infinitesima quarti ordinis; dico secundo conum genitum a triangulo rectangulo  $MBF$ , sectorem sphaericum  $A F D B$ , & conum genitum a triangulo rectangulo  $A F C$  differre inter se quantitate infinitesima quarti ordinis.

Demonst. prima pars. Circulus, cujus radius est tangens  $MB$ , segmentum superficiei sphaericae  $ABD$ , seu circulus, cujus radius est chorda  $AB$  per theoremata Archimedis, & circulus, cujus radius est sinus rectus  $AC$  sunt, ut quadrata tangents  $MB$ , chordae  $AB$ , & sinus recti  $AC$ ; sed tangens  $MB$ , chorda  $AB$ , sinus rectus  $AC$  differunt quantitate infinitesima tertii ordinis (1), (1) per *prop. 3.* hoc est, secundi ordinis respective ad ipsas, cum sint infinitesimae primi ordinis (2). Ergo etiam quadrata  $MB$ ,  $AB$ ,  $AC$  differunt quantitate infinitesima secundi ordinis respective (3), (2) per *1. prop.* (3) per *prop. 20. lib. 1.* ac proinde etiam circuli, quorum radii sunt tangens  $MB$ , chorda  $AB$ , & sinus

(1) *corol.*  
 1. *prop.*  
 20. *lib.*  
 1.

sinus rectus  $A C$ , differunt quantitate infinitesima secundi ordinis respective (1); sed isti circuli ex eo quia habent radium infinitesimum primi ordinis sunt infinitesimi secundi ordinis. Ergo eorum differentia erit quarti ordinis. *Q. E. P.*

(2) *per*  
 1. *part.*  
 hujus.

Demonst. secunda pars. Conus genitus a triangulo rectangulo  $M F B$  est ad sectorem sphaericum  $F A B D$ , ut circulus, cujus radius est tangens  $B M$ , est ad circulum, cujus radius est chorda  $B A$ ; sed isti circuli differunt quantitate infinitesima quarti ordinis (2), hoc est, secundi ordinis respective; ergo etiam conus  $M F N$ , & sector sphaericus  $A F D$  differunt quantitate infinitesima secundi ordinis respective; sed conus  $M F N$ , & sector sphaericus  $A F D$  sunt infinitesimi secundi ordinis. Ergo eorum differentia erit quarti ordinis. Quod differentia inter sectorem sphaericum  $A B D F$ , & conum genitum a triangulo rectangulo  $A C F$  sit infinitesima quarti ordinis patet ex praecedenti propositione. *Q. E. S.*

PRO-



## PROPOSITIO XIV.

**P**Ositis, quae supra posuimus propo- Fig. 17.  
 sitione praecedenti, dico differen-  
 tiam circuli, cujus radius est sinus re-  
 ctus  $MB$ , a circulo, cujus radius est  
 chorda  $MA$ , non differre a quarta par-  
 te differentiae ejusdem circuli sinus recti  
 $MB$  a circulo, cujus radius est tangens  
 $OA$ .

Demonst. Ex puncto  $M$  ducatur  $MS$   
 parallela ad  $CA$ ; erit  $SO$  differentia  
 sinus recti  $MB$  a tangente  $AO$ ; tum  
 centro  $A$ , intervallo chorda  $AM$  abscin-  
 datur ex tangente  $AO$  pars  $AX$  ae-  
 qualis chordae  $AM$ ; erit  $SX$  differen-  
 tia sinus recti  $MB$  a chorda  $MA$ . Cir-  
 culus, cujus radius est chorda  $MA$ ,  
 seu  $AX$ , est ad circulum, cujus radius  
 est sinus rectus  $MB$ , ut quadratum  $XA$   
 est ad quadratum  $MB$ ; ergo dividendo,  
 differentia circuli radii  $XA$  a circulo si-  
 nus recti  $MB$  est ad eundem circulum  
 sinus recti  $MB$ , ut bisrectangulum  
 $XS$  in  $SA$  cum quadrato  $XS$  est ad  
 quadratum  $MB$ : similiter circulus sinus  
 L recti

recti  $M B$  est ad circulum tangentis  $O A$ ,  
 ut quadratum  $M B$  ad quadratum  $O A$ ;  
 ac proinde circulus sinus recti  $M B$   
 est ad differentiam ejusdem circuli  $M B$   
 a circulo tangentis  $O A$ , ut quadratum  
 $M B$  est ad bisrectangulum  $A S$  in  
 $S O$  cum quadrato  $S O$ . Ergo ex aequo  
 differentia circuli sinus recti  $M B$  a cir-  
 culo chordae  $A M$  est ad differentiam  
 circuli ejusdem sinus recti  $M B$  a circu-  
 lo tangentis  $O A$ , ut bisrectangulum  
 $A S$  in  $S X$  cum quadrato  $S X$  est ad  
 bisrectangulum  $A S$  in  $S O$  cum qua-  
 drato  $S O$ , seu ut rectangulum  $A S$   
 in  $S X$  est ad rectangulum  $A S$  in  
 $S O$ ; nam  $X S$ , &  $S O$  sunt infinitesi-  
 mae respectu  $S A$  (1). Ergo praedictae  
 differentiae sunt ut  $X S$ , &  $S O$ ; sed  
 $X S$  non differt a quarta parte rectae  
 $S O$  (2). Ergo differentia circuli sinus  
 recti  $M B$  a circulo chordae  $M A$  est  
 ad differentiam ejusdem circuli sinus recti  
 $M B$  a circulo tangentis  $O A$ , ut unum  
 ad quatuor, spectis tamen quantitatibus  
 infinitesimis respectivis. *Q. E. D.*

(1) per  
 3. prop.

(2) per  
 4. prop.

CO-

## COROLLARIUM.

Differentia igitur circuli sinus recti  $MB$  a circulo chordae  $MA$ , seu a superficie segmenti sphaerici  $MAN$  non differt a tertia parte differentiae segmenti superficiei sphaericae  $MAN$  a circulo tangentis  $OA$ .

## PROPOSITIO XV.

**I** Isdem positis, differentia superficiei sphaericae  $MAN$  a circulo sinus recti  $MB$  non differt a duplo differentiae ejusdem circuli sinus recti  $MB$  a superficie conii geniti a triangulo rectangulo  $MBA$ , exclusa basi. Fig. 18.

Demonst. Centro  $M$ , intervallo sinu recto  $MB$  abscindatur a chorda  $MA$  pars  $MT$  aequalis  $MB$ ; cum inter  $AM$ ,  $TM$  inveniatur media proportionalis  $MI$ . Superficies segmenti sphaerici aequatur circulo, cujus radius est chorda  $MA$ ; superficies conii  $MAN$ , exclusa basi, aequatur circulo, cujus radius est

L 2

MI

M I media ptoportionalis, inter chordam M A, & sinum rectum M B, per theoremata Archimedis. Ergo superficies segmenti sphaerici M A N est ad circulum sinus recti M B, ut quadratum M A est ad quadratum M B; ac proinde dividendo, differentia superficiei sphaericae M A N a circulo M B est ad circulum M B, ut bisrectangulum M T in T A cum quadrato T A est ad quadratum M B. Similiter circulus M B est ad superficiem coni M A N, exclusa basi, ut quadratum M B est ad quadratum M I; ac proinde circulus M B est ad differentiam ejusdem circuli M B a circulo M I, ut quadratum M B est ad bisrectangulum M T in T I cum quadrato T I; adeoque ex aequo praedictae differentiae sunt, ut rectangula M T A, M T I, seu, ut T A, T I; sed T A non differt a dupla T I (1). Ergo differentia superficiei sphaericae M A N a circulo sinus recti M B non differt a duplo differentiae superficiei coni M A N, exclusa basi, ab eodem circulo sinus recti M B.

*Q. E. D.*

(1) per  
coroll. 1.  
prop. 2.  
lib. 1.

COROL.

## COROLLARIUM.

Si igitur differentia circuli sinus recti  $M B$  a superficie conii  $M A N$ , exclusa basi, sit *unum*, erit differentia ejusdem circuli  $M B$  a superficie sphaerica  $M A N$  *duo*, differentia superficiis sphaericae  $M A N$  a circulo tangentis erit *sex* (1), tandem differentia circuli sinus recti  $M B$  a circulo tangentis erit *octo* (2).

(1) per  
coroll.

prop. 14.

(2) per  
14 prop.

## PROPOSITIO XVI.

**I**isdem positis, differentia conii  $O C P$ , Fig. 19.  
geniti a triangulo rectangulo  $C A O$ ,  
a sectore sphaerico  $M C N$  non differt  
a differentia ejusdem sectoris sphaerici  
 $M C N$  a cono  $M C N$ , genito a trian-  
gulo rectangulo  $M C B$ .

Demonst. Sector sphaericus  $M C N$   
aequatur cono, cujus altitudo est radius  
 $C A$ , basis vero est circulus chordae  
 $M A$ . Cum igitur conus  $O C P$ , sector  
sphaericus  $M C N$ , seu conus altitudi-  
nis  $C A$ , basis circuli  $M A$ , & soli-  
dum.

(1) per  
coroll.  
prop. 14.

(2) per  
coroll.  
prop. 12.

dum conflatum ex duobus conis  $M C N$ ,  $M A N$  habeant eandem altitudinem  $C A$ , sunt; ut circuli tangentis  $O A$ , chordae  $M A$ , & sinus recti  $M B$ ; ac proinde differentiae illorum conorum sunt, ut differentiae istorum circulorum; sed differentia circuli tangentis  $O A$  a circulo chordae  $M A$  non differt a triplo differentiae circuli chordae  $M A$  a circulo sinus recti  $M B$  (1). Ergo differentia coni  $O C P$  a sectore sphaerico  $M C N$  non differt a triplo differentiae ejusdem sectoris sphaerici  $M C N$  a solido conflato a duobus conis  $M C N$ ,  $M A N$ ; sed hoc solidum differt a cono  $M C N$  per conum  $M A N$ , & sector sphaericus  $M C N$  differt a cono  $M C N$  per segmentum sphaericum  $M A N$ ; hinc cum segmentum sphaericum  $M A N$  sit ad conum  $M A N$ , ut tria ad duo (2), erit differentia sectoris sphaerici  $M C N$  a cono  $M C N$  ad differentiam ejusdem sectoris sphaerici  $M C N$  a solido conflato a duobus conis  $M C N$ ,  $M A N$ , ut tria ad unum, spretis infinitesimis. Ergo differentia co-

ni

ni  $OCP$  a sectore sphaerico  $M C N$ ,  
 & differentia ejusdem sectoris sphaerici  
 $M C N$  a cono  $M C N$  habent ad ean-  
 dem quantitatem eandem rationem, spre-  
 tis infinitesimis; adeoque earum ratio  
 non differt a ratione aequalitatis. *Q. E. D.*

### COROLLARIUM.





Si conus  $MAN$  sit *duo*, erit segmen-  
 tum sphaericum  $M A N$  *tria* (1), & per  
 hanc propositionem conus truncatus  $O$   
 $M N P$ , seu differentia conorum  $M C N$ ,  
 $O C P$  erit *sex*; hoc est, conus  $MAN$ ,  
 segmentum sphaericum  $M A N$ , & co-  
 nus truncatus  $O M N P$  erunt in pro-  
 portione harmonica.

(1) per  
 coroll.  
 prop. 12.




### ELEMEN-





















ELEMENTA  
GEOMETRIAE  
INFINITESIMORUM  
*LIBER TERTIUS.*





## PROPOSITIO I.



**I**N curva quacunque  $A B C D E$ , sumptis arcubus  $A B$ ,  $B C$ ,  $C D$ ,  $D E$  infinitesimis cujuscunque ordinis, ductisque subtensis  $A B$ ,  $B C$ ,  $C D$ ,  $D E$ ; dico angulos  $A B C$ ,  $B C D$ ,  $C D E$  factos a singulis binis subtensis infinitesimam habere differentiam a summa duorum rectorum, exceptis nonnullis punctis numero finitis.

Fig. 1.

Demonst. Ducatur chorda  $A E$ , quae subtendat arcum  $A B C D E$  finitum, distinctum in arcus  $A B$ ,  $B C$ ,  $C D$ ,  $D E$  infinitesimos, qui certe erunt numero infiniti; ac proinde cum subtensa  $A E$  terminabunt polygonum infinitorum laterum, cujus anguli externi omnes erunt numero infiniti; sed anguli externi cujuscunque polygoni simul sumpti aequant quatuor rectos. Ergo summa horum infinitorum angulorum non potest esse major quatuor rectis, quod fal-

M 2

sum

sum esset, si anguli  $A B C$ ,  $B C D$  &c. in punctis numero infinitis respective differrent a duobus rectis quantitate finita; nam infiniti anguli finiti dant summam angulorum infinitam. Ergo patet propositio.

### *COROLLARIUM.*

Ex hac propositione patet semper stare conceptum curvae, dummodo anguli  $A B C$ ,  $B C D$  &c. differant a duobus rectis quantitate infinitesima, etiam cujuscunque ordinis; neque requiritur, ut istae differentiae sint aequales, vel saltem differant quantitate infinitesima respective; sed possunt esse inaequales, quinimmo & infinitesimae diversorum ordinum; etenim in hisce casibus nunquam destruitur conceptus polygoni infinitorum laterum, ac proinde conceptus curvae.

PRO-

93

PROPOSITIO II.

**S**I per puncta B, & C arcus B C infinitesimi cujuscunque ordinis ducantur tangentes M B N, O C R; dico angulos S B C, S C B factos a tangentibus cum chorda B C esse infinitesimos. Fig. 2.

Demonst. Sumantur arcus A B, C D infinitesimi, ducanturque subtenſae A B, C D productae verſus. F; & chorda B C hinc inde producat utcunque in E, & P. Per ſuppoſitionem ſubtenſae A B, B C erunt infra tangentem M B N; ergo partes B F, B E erunt ſupra ipſam tangentem; adeoque tangens M B N cadit intra angulos E B A, F B C; ſed iſti anguli ſunt infinitesimi (1); ergo multo magis anguli M B A, C B N ſunt infinitesimi: idem demonſtratur de angulo B C S. Ergo patet, &c. Q. E. D.

(1) per  
I. prop.

COROLLARIUM.

Cum haec propositio dependeat ex antecedenti, hinc non verificatur in  
pun-

94  
punctis , in quibus non verificatur  
illa .

### SCHOLION .

Quando demonstrantur proprietates  
curvarum per angulos infinitesimos tan-  
gentium, & chordarum infinitesimarum,  
semper excluduntur puncta, in quibus  
praedictae propositiones non verificantur;  
sicuti etiam excluduntur puncta regres-  
sus, & flexus contrarii, nisi oppositum  
moneatur; quibus punctis quid eveniat  
curvae suo loco determinabimus.

### PROPOSITIO III.

Fig. 3. **I**N curva quacunque arcus  $B C$  infi-  
nitesimus non differt a corda  $B C$ ,  
nisi infinitesima quantitate ordinis supe-  
rioris.

Demonst. Per puncta  $B$ , &  $C$  ducan-  
tur tangentes  $B L$ ,  $C L$  concurrentes  
in  $L$ , ex puncto  $L$  ducatur normalis  
 $L Q$  ad chordam  $B C$ . Quoniam angu-  
li

li  $L B Q$ ,  $L C Q$  sunt infinitesimi (1), (1) per  
 erit normalis  $L Q$  infinitesima respectu ad. 2. prop.  
 latera  $B L$ ,  $B Q$ , &  $C L$ ,  $C Q$  (2); (2) per  
 sed differentia laterum  $B L$ ,  $B Q$ , & 9. prop.  
 $C L$ ,  $C Q$  est infinitesima respectu ad lib. I.  
 $L Q$ ; ergo  $B L \perp L C$ , ac proinde  
 arcus  $B C$  non differt a chorda  $B C$   
 nisi infinitesima quantitate ordinis supe-  
 rioris. *Q. E. D.*

#### PROPOSITIO IV.

**R**ecta  $A F$  subtendat arcum  $A B C D$  Fig. 4.  
 $E F$  cujuscunque curvae; ex pun-  
 ctis  $A$ , &  $F$  ducantur tangentes  $A M$ ,  
 $F N$ ; dico summam angulorum  $M A F$ ,  
 $A F N$  aequalem esse omnibus angulis  
 factis ab omnibus tangentibus cum la-  
 terculis evanescentibus arcus  $A B C D$   
 $E F$ .

Demonst. Arcus  $A C F$  dividatur in  
 arcus infinitesimos  $A B$ ,  $B C$ ,  $C D$ ,  
 $D E$ ,  $E F$ ; arcubus ducantur subten-  
 sae  $A B$ ,  $B C$ , &c.; istae cum chorda  $A F$   
 terminabunt polygonum infinitorum la-  
 te-

terum, cujus anguli externi  $SAB$ ,  $OB C$ ,  $A F R$  &c. sunt aequales quatuor rectis; sed anguli  $SAB$ ,  $RFA$  cum angulis  $BAF$ ,  $A F E$  sunt aequales quatuor rectis; ergo, ablati communiter angulis  $SAB$ ,  $RFA$ , erunt omnes anguli infinitesimi  $OB C$  &c. aequales angulis  $BAF$ ,  $A F E$ ; sed anguli  $BAF$ ,  $A F E$ , evanescentibus arcibus  $AB$ ,  $BC$  &c., tandem coincidunt cum angulis tangentium  $MAF$ ,  $A F N$ ; & anguli infinitesimi  $CBO$  &c. tandem coincidunt cum angulis factis a tangentibus cum laterculis evanescentibus curvae; ergo etiam anguli  $MAF$ ,  $A F N$  sunt aequales omnibus angulis factis ab omnibus tangentibus cum laterculis evanescentibus arcus  $ACF$ .  
*Q. E. D.*

### COROLLARIUM.

Hinc si anguli  $OB C$  &c. sunt infinitesimi primi ordinis, & latera  $AB$ ,  $BC$  sint quoque infinitesima primi respectu  $AF$ , erit summa angulorum  $MAF$ ,  
 $A F N$

A F N finita, cum resultet ex infinitis angulis O B C infinitesimis primi ordinis; si vero anguli O B C sunt infinitesimi secundi ordinis, erit summa angulorum M A F, A F N infinitesima primi. Idem dicito si anguli O B C sint infinitesimi ordinis superioris.

SCHOLION.

Si anguli  $O B C$  &c. non essent jugiter ejusdem ordinis, sed continue ordinum superiorum, tunc summa angulorum  $M A F$ ,  $A F N$  esset ejusdem ordinis, ac est angulus  $O B C$  ordinis inferioris.

PROPOSITIO V.

**I**N curva B O X C, sumptis arcubus  
O D, D E, E F, F B &c. infinite-  
simis alicujus ordinis, sed respective  
ejusdem, anguli externi O D A, D E M  
&c., facti a chordis D E, E F &c. pro-  
ductis, sint infinitesimi ejusdem ordinis

N respe-

respective; si sumantur arcus  $BO$ ,  $OX$ ,  $XC$  alterius ordinis inferioris, sed respective ejusdem; dico angulos externos  $SOX$ ,  $TXC$  &c., factos a chordis  $BO$ ,  $OX$  &c. productis, esse ejusdem ordinis respective..

Demonst. Ducantur rectae  $OD$ ,  $OE$ ,  $OF$ , &c., & per punctum  $O$  ducatur tangens  $ZOY$ . Quoniam arcus  $OD$ ,  $DE$  sunt infinitesimi ejusdem ordinis per suppositionem, erunt rectae  $OD$ ,  $DE$  infinitesimae ejusdem ordinis (1); ac proinde in triangulo obtusangulo  $ODE$  anguli  $DOE$ ,  $DEO$  sunt infinitesimi ejusdem ordinis, ac est angulus  $ADO$ ; ac proinde ejusdem ordinis, ac est angulus  $MED$ , vel ejusdem ordinis, ac est angulus  $MEO$ . Similiter quoniam arcus  $OD$ ,  $DE$  sunt infinitesimi ejusdem ordinis, ac est arcus  $EF$ , erit arcus  $OE$  infinitesimus ejusdem ordinis, ac est arcus  $EF$ ; hinc subtensae  $OE$ ,  $EF$  sunt infinitesimae ejusdem ordinis (2). Ergo in triangulo obtusangulo  $OEF$  angulus  $FOE$  est infinitesimus ejusdem ordinis, ac est angulus

(1) per  
3. prop.

(2) per  
3. prop.



lus  $M E O$ , seu infinitesimus ejusdem ordinis, ac est angulus  $D O E$ . Idipsum demonstratur de aliis angulis  $B O F$  in infinitum, usquedum arcus  $O B$ , seu chorda  $O B$  sit alterius ordinis inferioris. Ergo angulus  $D O B$ , ac proinde angulus  $B O Y$ , seu  $S O Z$  componitur ex infinitis angulis ejusdem ordinis, ac est angulus  $D O B$ ; eodem modo demonstratur angulum  $Z O X$  componi ex infinitis angulis ejusdem ordinis, ac est angulus  $D O E$ . Ergo integer angulus  $S O X$  componitur ex infinitis angulis ejusdem ordinis anguli  $D O E$ . Idem demonstratur de angulo  $T X C$  &c. Ergo anguli  $S O X$ ,  $T X C$  &c. sunt ejusdem ordinis respective, cum sint eadem ratione infiniti respectu ad angulum  $D O E$ . *Q. E. D.*

### COROLLARIUM I.

Ex demonstratione propositionis colligitur angulos  $D O Y$ ,  $B O Y$  factos a tangente  $O Y$  cum chordis  $O D$ ,  $O B$  diversorum ordinum, esse & ipsos ordi-

N 2

num

num diverforum, & quidem angulum chordae ordinis superioris esse & ipsum ordinis superioris respectu ad angulum chordae ordinis inferioris.

### *COROLLARIUM II.*

Colligitur etiam angulos  $B O Y$ ,  $Y O R$ , seu  $Z O X$ , factos a chordis  $B O$ ,  $X O$  ejusdem ordinis cum tangente  $Z O Y$ , esse ejusdem ordinis.

### *COROLLARIUM III.*

Ex puncto  $B$  ducta tangente  $B N$  erunt anguli  $Y O B$ ,  $O B N$  ejusdem ordinis; nam sicuti demonstratum est angulum  $Y O B$  componi ex infinitis angulis ejusdem ordinis, ac est angulus  $D O E$ , ita demonstrari potest etiam angulum  $O B N$  componi ex infinitis angulis ejusdem ordinis, ac est angulus  $D O E$ .

CO-

## COROLLARIUM IV.

Si anguli  $A D O$ ,  $M E D$  &c. sint infinitesimi ejusdem ordinis, ac sunt arcus  $O D$ ,  $D E$ ,  $E F$  &c. quando anguli  $Y O B$ ,  $O B N$  sunt finiti, erit chorda  $O B$  pariter finita; si vero anguli  $A D O$ ,  $M E D$  &c. sint infinitesimi ordinis inferioris respectu ad ordinem arcuum  $O D$ ,  $D E$  &c. quando anguli  $Y O B$ ,  $O B N$  sunt finiti, chorda  $O B$  est infinitesima; ac proinde curva deberet in se redire antequam chorda  $O B$  esset finita. Si tandem anguli  $A D O$ ,  $M E D$  &c. sint infinitesimi ordinis superioris respectu ad ordinem arcuum  $O D$ ,  $D E$  &c. quando anguli  $A D O$ ,  $M E D$  &c. sunt finiti, chorda  $O B$  esset infinita; hinc curva non posset in se redire priusquam chorda  $O B$  esset infinita.

PRO-

## PROPOSITIO VI.

Fig. 6.

**I**N curva praecedentis propositionis, maxima altitudo  $M R$  arcus  $A R F$  respectu ad chordam  $A F$  est ejusdem ordinis, ac sunt anguli  $X A F$ ,  $A F Z$ , facti a tangentibus  $X A$ ,  $Z F$  cum chorda  $A F$ .

Demonst. Maxima altitudo  $R M$  arcus  $A R M$  est ubi tangens  $X R Z$  est parallela chordae  $A F$ , alioquin arcus  $A R M$  non esset totus infra tangentem; hinc anguli  $M A R$ ,  $M F R$  (ductis  $A R$ ,  $R F$ ) sunt aequales angulis  $X R A$ ,  $F R Z$ ; adeoque sunt ejusdem ordinis, ac sunt anguli  $X A R$ ,  $R F Z$  (1), seu ejusdem ordinis ac sunt anguli  ~~$X A F$~~ ,  $A F Z$ ; sed  $R M$  respectu  $A M$ , &  $M F$  est infinitesima ejusdem ordinis, ac sunt anguli  $R A M$ ,  $R F M$  (2), seu ejusdem ordinis, ac sunt anguli  $X A F$ ,  $A F Z$ ; hinc, cum anguli  $X A F$ ,  $A F Z$  sint ejusdem ordinis, erit  $M R$  respectu ad totam  $A F$  ejusdem ordinis, ac sunt anguli  $X A F$ ,  $A F Z$ . *Q. E. D.*

(1) per  
coroll.  
3. prop.  
5.

(2) per  
9. prop.  
lib. I.

PRO-

## PROPOSITIO VII.

**R**ectae  $AB, BC$  ad quemcunque angulum finitum  $ABC$  positae sint diametri coordinatarum; ducanturque ordinatae  $QN, PM$  intercipientes arcum  $MN$  infinitesimum primi ordinis, cujus chorda sit  $MN$ , & ducatur  $NR$  parallela ad  $AB$ ; dico latera trianguli  $MNR$  esse infinitesima primi ordinis, excepto, quando chorda  $MN$  producta faciens angulum infinitesimum accedit ad parallelismum cum diametris coordinatarum.

Fig. 7.;  
& 8.

Demonst. Chorda  $MN$  producatuſque dum concurrat cum diametris coordinatarum in punctis  $X, Z$ ; cum haec non faciat angulos infinitesimos cum diametris  $XB, BZ$ , erunt anguli  $BXZ, XZB$  finiti; adeoque in triangulo  $XBZ$ , & ob parallelismum rectarum  $NR, XB$ , &  $RM, BZ$  in triangulo etiam  $RMN$ , anguli omnes sunt finiti; ac proinde latera  $NM, MR, NR$  sunt ejusdem ordinis; sed  $NM$  ex hypothesi est infinitesima primi ordinis, quia arcus  $NM$  est infinitesimus  
pri-

primi ordinis. Ergo  $NR$ ,  $RM$  sunt infinitesimae primi ordinis. *Q. E. D.*

### COROLLARIUM I.

Si arcus  $NM$  interceptus ab ordinatis  $QN$ ,  $PM$  sit infinitesimus ordinis superioris, erit etiam  $NR$ , &  $MR$  infinitesima ejusdem ordinis superioris.

### COROLLARIUM II.

Si per punctum  $N$  ducatur tangens  $NS$ , efformatum erit triangulum  $MNS$ , in quo anguli  $NSM$ ,  $NMS$  sunt finiti per suppositionem; angulus vero  $SNM$  est infinitesimus per naturam curvae; ergo  $SM$  est infinitesima respectu  $NM$ , ac proinde respectu  $RM$ ; hinc  $MS$  respectu  $RM$  erit spernenda.

### SCHOLION.

In punctis, in quibus  $MN$  est parallela diametris coordinatarum, observanda  
ve-

veniunt, quae diximus in scholio propositionis IX. libri secundi.

## PROPOSITIO VIII.

**I**N diametro  $A B$  curvae  $A M N C$  sumantur  $P Q$ ,  $Q B$  quantitates infinitesimae primi ordinis, quae non differant, nisi quantitate infinitesima respective; ex punctis  $P$ ,  $Q$ ,  $B$  ducantur ordinatae  $P M$ ,  $Q N$ ,  $B C$  ad angulum finitum cum diametro  $A B$ , tum chordae  $M N$ ,  $N C$ , tandem ex punctis  $M$ , &  $N$  ducantur  $M R$ ,  $N X$  parallelae ad  $A B$ ; oportet determinare differentiam, quae intercedit inter latera homologa triangulorum  $M R N$ ,  $N X C$ .

Fig. 9.,  
& 10.

Con. Chorda  $M N$  producaturs usque dum concurrat cum ordinata  $B C$  producta, si opus est, in  $S$ . Quoniam triangula  $M R N$ ,  $N S X$  sunt acquiangula, ac proinde similia ob parallelismum rectarum  $R N$ ,  $X S$ , &  $M R$ ,  $N X$ ; hinc, si duo latera homologa  $M R$ ,  $N X$ , vel  $R N$ ,  $X S$ , vel  $N M$ ,  $N S$

O

sup.

(1) per  
prop. 9.  
10. 11.  
lib. I.

supponantur constantia, seu aequalia, omnia latera trianguli  $NMR$  sunt aequalia lateribus correspondentibus trianguli  $SNX$ ; si vero duo latera homologa differant quantitate infinitesima alicujus ordinis, etiam reliqua latera homologa triangulorum  $MNR$ ,  $NSX$  differunt quantitate infinitesima ejusdem ordinis; sed latera trianguli  $NCX$  non differunt a lateribus trianguli  $NSX$ , nisi quantitate infinitesima secundi ordinis, posito angulo  $CNS$  infinitesimo primi ordinis (1). Ergo latera trianguli  $MNR$  non differunt a lateribus trianguli  $NCX$ , nisi quantitate infinitesima secundi ordinis. *Q. E. I.*

#### COROLLARIUM I.

Posito angulo  $CNS$  infinitesimo ordinis superioris, etiam differentia inter latera trianguli  $NCX$ , &  $NSX$  erit & ipsa infinitesima ordinis superioris; hinc, si latera trianguli  $MNR$ , &  $NXS$  sunt relative aequalia, erit differentia inter latera triangulorum  $MNR$ ,  $NCX$  eadem,



eadem, ac illa, quae intercedit inter latera triangulorum  $NSX$ ,  $NCX$ ; si vero latera triangulorum  $M RN$ ,  $NXS$  differunt quantitate infinitesima alicujus ordinis, tunc differentia, quae intercedit inter latera triangulorum  $M RN$ ,  $NXC$  dependet ex combinatione harum quantitatum infinitesimarum cum quantitibus infinitesimis, quibus differunt latera triangulorum  $NSX$ ,  $NCX$ .

### *COROLLARIUM II.*

Patet etiam via, qua determinari possunt differentiae inter latera homologa triangulorum  $M NR$ ,  $NCX$ , etiam si latera horum triangulorum sint infinitesima cujuscunque ordinis, & differentia, quae intercedit inter latera homologa triangulorum  $M RN$ ,  $NXS$  sit similiter infinitesima cujuscunque ordinis respective ad ipsa latera, & angulus  $CNS$  sit pariter infinitesimus cujuscunque ordinis.

O

SCHO-

In qualibet curva licitum est accipere fluxionem, aut abscissarum, aut ordinarum aut curvae, aut aliam tanquam constantem pro determinandis quantitibus infinitesimis ordinum superiorum relative ad constantes; sed statim ac una tanquam constans sumpta est, liberum amplius non est aliam accipere, alioquin determinaretur curva,

## PROPOSITIO IX.

Fig. 11;  
& 12.

**E**X puncto A ad quamcunque curvam P Q B ducantur rectae A Q, A B intercipientes arcum Q B infinitesimum primi ordinis, cui subtendatur Q B, & ex puncto Q in A B demittatur normalis Q R; dico tria latera trianguli Q R B esse infinitesima primi ordinis, exceptis illis punctis, in quibus Q B vel est normalis ad A B, vel in directum cum A Q, vel saltem a vera normali, & a vera directione cum A Q differt quantitate infinitesima. De-

Demonst. patet; nam per suppositionem angulus  $R B Q$  neque est rectus, neque infinitesimus; igitur cum angulus  $B R Q$  sit rectus, in triangulo  $R B Q$  tres anguli sunt finiti, ac proinde tria latera infinitesima primi ordinis, cum  $B Q$  sit infinitesimum primi ordinis per suppositionem. *Q. E. D.*

### COROLLARIUM I.

Si arcus  $Q B$  sit infinitesimus ordinis superioris, erunt etiam latera  $Q R$ ,  $R B$  infinitesima ejusdem ordinis superioris.

### COROLLARIUM II.

Si ex puncto  $Q$  ducatur tangens  $Q S$ , quae concurrat cum  $R B$  producta, si opus est, in  $S$ , cum anguli  $Q B S$ ,  $Q S B$  sint finiti per suppositionem, & angulus  $B Q S$  sit infinitesimus per naturam curvae, erit  $B S$  intercepta inter tangentem, & curvam infinitesima respectu  $B Q$ , ac proinde respectu  $R B$ ; adeoque  $B S$  respectu  $R B$  erit spernenda.

SCHO-

Quod dictum est aliquam alterationem patitur, ubi chorda  $BQ$  vel est normalis ad  $AB$ , vel in directum cum  $AQ$ ; & generaliter loquendo, quando anguli fluentes vel evadunt recti, vel aequales duobus rectis, vel saltem differentia horum angulorum aut a recto, aut a duobus rectis transit ex uno ordine ad alium, tunc nonnulli anguli fluentes, ac proinde nonnullae rectae fluentes, transeunt ex uno ordine ad alium; & sic tota congeries quantitatum fluentium alterationem patitur, quae tamen non erit difficile determinatu ab illis, qui nostris elementis instructi sunt.

## PROPOSITIO X.

Fig. 13,  
& 14

**E**X puncto  $A$  ad quamcunque curvam ducantur tres rectae  $AP$ ,  $AQ$ ,  $AB$ , intercipientes arcus  $BQ$ ,  $QP$  infinitesimos primi ordinis, qui non differant, nisi quantitate infinitesima respecti-

### III.

ctive, tum ex punctis  $P, Q$  ducantur normales  $PM, QR$  ad rectas  $AQ, AB$ ; oportet determinare differentiam, quae intercedit inter latera homologa triangulorum  $PMQ, QRB$ .

Con. Rectae  $AP, AQ, AB$  sint finitae, & chordae  $BQ, QP$  non jaceant in directum cum rectis  $AB, AQ, AP$ ; chorda  $PQ$  producaturs usquedum concurrat cum  $AB$  producta, si opus est, in  $S$ . Cum arcus  $PQ, QB$  sint infinitesimi primi ordinis, erunt etiam chordae  $PQ, QB$  infinitesimae primi ordinis (1); ac proinde in triangulis  $PAQ, QAB$ , cum anguli  $APQ, AQP$ , &  $AQB, ABQ$  sint finiti, & latera  $PQ, QB$  sint infinitesima primi ordinis, erunt anguli  $PAQ, QAB$  infinitesimi primi ordinis (2); hinc in triangulo  $MQP$  angulus  $MQP$  auctus est quantitate infinitesima primi ordinis respectu ad angulum  $RSQ$  trianguli  $RQS$ ; ergo, posito latere uno homologo constante, erit differentia reliquorum laterum infinitesima primi ordinis respective (3), hoc est, secundi ordinis;

(1) per  
3. prop.

(2) per  
prop. 9.  
10. 11.  
lib. I.

(3) per  
prop. 17.  
lib. I.

(1) per  
prop. II.  
lib. I.

dinis; sed latera trianguli  $RQB$  non differunt a lateribus trianguli  $RQS$ , nisi quantitate infinitesima secundi ordinis (1). Ergo latera trianguli  $MPQ$  non differunt a lateribus homologis trianguli  $RQB$ , nisi quantitate infinitesima secundi ordinis.

(2) per  
doctri-  
nam pa-  
rallela-  
rum.

(3) per  
praece-  
dentem  
part.

(4) per  
I. part.  
hujus.

Si vero nullum latus sit constans, sed unum  $RQ$ , ex. gr., trianguli  $RQS$ , differat a latere homologo  $MP$  trianguli  $MPQ$  quantitate infinitesima ordinis superioris; tum abscindatur  $QX$ , ex. gr., aequalis  $PM$ , & per  $A$ , &  $X$  ducatur  $AX$ , quae concurrat cum  $QS$  in  $Z$ . Quoniam  $XZ$  est infinitesima respectu  $AX$ , & angulus  $XAB$  infinitesimus, erit  $XZ$  parallela ad  $RS$ . (2). Igitur ~~cum  $RX$  sit infinitesima ordinis superioris~~, hinc differentia inter latera homologa triangulorum  $XQZ$ ,  $RQS$  erit infinitesima ordinis superioris. (3); sed latera trianguli  $XQZ$  non differunt a lateribus trianguli  $MPQ$ , nisi quantitate infinitesima secundi ordinis (4). Ergo latera trianguli  $RQS$ , ac proinde latera trianguli  $RQB$ , non differunt

runt

113

runt a lateribus trianguli  $M P Q$ , nisi  
quantitate infinitesima secundi ordinis .  
*Q. E. I.*

### COROLLARIUM.

Patet via, qua determinari potest differentia inter latera homologa triangulorum  $M Q P$ ,  $R Q B$ , etiamsi latera horum triangulorum sint infinitesima cujuscunque ordinis, & differentiae horum laterum sint similiter infinitesimae cujuscunque ordinis respective, & angulus  $S Q B$  sit infinitesimus cujuscunque ordinis .

### SCHOLION I.

Si rectae  $A P$ ,  $A Q$ ,  $A B$  sint infinitesimae, vel jaceant in directum cum chordis  $P Q$ ,  $Q B$ , tunc quae haecenus demonstravimus alterationem patiuntur.

P

SCHO-

Fig. 15. Antequam ulterius progrediamur juvat animadvertere quantitates fluentes posse fluere ex omni parte, qua limite coercentur; unde sedulo perpendendum est, nisi in paralogismos incurrere velimus, ex quibusnam partibus data quantitas fluat: sic abscissae  $AP$ ,  $AQ$ , & ordinatae  $PM$ ,  $QN$  ex una parte tantum fluunt; sed subtangens  $PV$ , ex gr., non tantum fluit ex parte  $V$ , sed etiam ex parte  $P$ , itaut tota fluxio sit  $PQ \pm UR$ .

## PROPOSITIO XI.

Fig. 16. **I**N curva quacunque, quando anguli  $MAB$ ,  $ABN$ , facti a chorda  $AB$  cum tangentibus  $AM$ ,  $BN$ , sunt aequales duobus rectis; tunc chorda  $AB$  est maxima ex parallelis.

Demonst. Per punctum quodlibet  $F$  sumptum in curva ducatur  $PQ$  parallela  $AB$ . Cum anguli  $MAB$ ,  $ABN$  sint



sint aequales duobus rectis, erit  $AP$  parallela ad  $BQ$ ; ac proinde  $PQ$  aequalis erit  $AB$ ; sed puncta  $F$ ,  $T$  intersectionis rectae  $PQ$  cum curva sunt intra tangentes  $AM$ ,  $BN$ . Ergo chorda  $FT$  non potest esse major recta  $PQ$ , ac proinde recta  $AB$ . Ergo  $AB$  est maxima chorda ex parallelis. *Q. E. D.*

### COROLLARIUM.

Si sumatur arcus  $AF$  infinitesimus cujuscunque ordinis, & per punctum  $F$  ducatur  $FR$  parallela tangentibus  $MA$ ,  $BN$ , ductaque chorda  $AF$ , erit angulus  $AFR$  aequalis angulo  $MAF$ , ac proinde infinitesimus. Igitur, positis angulis  $ABN$ ,  $BAM$ , seu angulis  $ARF$ ,  $RAF$  finitis, erit  $AR$  infinitesima respectu  $RF$ .

## PROPOSITIO XII.

Fig. 17. **I**N curva quacunque, si anguli  $RST$ ,  $STQ$ , facti a chorda  $ST$  cum tangentibus  $RT$ ,  $SQ$ , sint aequales quatuor rectis, erit chorda  $ST$  minima ex parallelis post maximam  $AF$ .

Demonst. Quoniam anguli  $RST$ ,  $STQ$  sunt aequales quatuor rectis, tangentes  $RT$ ,  $SQ$  unam rectam efficiunt cum chorda  $ST$ ; ac proinde sunt & ipsae in directum, hinc curva ulterius non procedit. Intra chordam maximam  $AF$ , & chordam  $ST$  ducatur alia chorda  $MN$  parallela ad  $ST$ ; & per puncta  $M$ , &  $N$  ducantur tangentes  $ML$ ,  $NL$  secantes alias tangentes  $RT$ ,  $SQ$  in punctis  $R$ , &  $Q$ , & concurrentes in  $L$ . Chorda  $MN$  est major recta  $RQ$ ; sed puncta  $R$ , &  $Q$  esse debent extra curvam. Ergo recta  $RQ$  non potest esse minor recta  $ST$ ; ac proinde chorda  $MN$  non erit minor chorda  $ST$ . Ergo chorda  $ST$  minima est ex parallelis post maximam. *Q.E.D.*

CO-

## COROLLARIUM.

Si sumatur arcus  $MS$  infinitesimus, & per  $M$  ducatur chorda  $MN$  parallela chordae minimae  $ST$ ; tum ex  $S$  demittatur normalis  $SG$  in chordam  $MN$ , erit angulus  $CMS$  aequalis angulo  $RSM$ , ac proinde infinitesimus. Igitur, cum anguli  $MSG$ ,  $MGS$  sint finiti, erit  $GS$  infinitesima respectu  $MG$  (1).

(3) per  
prop. 9.  
lib. 1.

## LEMMA.

**S**I per punctum  $A$  arcus  $ADB$  describatur alius arcus  $AS$ , itaut distantia  $DC$  singulorum punctorum arcus  $ADB$  a chorda  $AB$  differat respectu quantitate infinitesima  $DS$  a distantia  $SC$  singulorum punctorum arcus  $AS$  a chorda  $AB$ ; curvatura arcus  $AS$  accipi potest pro curvatura arcus  $ADB$ ; minime vero si differentia  $DS$  non sit infinitesima respectu  $SC$ . Hoc per se clarum est.

Fig. 18.

SCHO-

Hoc cum respective tantum verum sit, hinc in nonnullis circumstantiis, ex. gr., quando considerantur quantitates ordinis rectae  $SD$ , vel ordinis superioris, licitum non erit accipere curvaturam arcus  $AD$  pro curvatura arcus  $AS$ .

## PROPOSITIO XIII.

Fig. 19.

**S**it  $MN$  arcus infinitesimus cujuscunque ordinis curvae  $NMT$ , in qua ducta chorda  $MN$ , & tangentibus  $NQ$ ,  $MQ$ , sint anguli  $QMN$ ,  $MNQ$  infinitesimi ejusdem ordinis, ac est arcus  $MN$ , differentiae vero istorum angulorum ~~sint~~ infinitesimae cujuscunque ordinis incipiendo ab ordine proximo superiore praedictorum angulorum; si ex punctis  $M$ , &  $N$  ducantur ad tangentes  $MQ$ ,  $NQ$  normales  $MC$ ,  $NC$  concurrentes in  $C$ , tum centro  $C$  intervallo  $CN$  describatur arcus  $NO$ ; dico curvaturam arcus  $MN$  non differre a curvatura arcus  $NO$ .

De-

Demonst. Ex puncto  $N$  ducatur sinus rectus  $NR$  in  $CM$ . In quadrilatero  $QMCN$ , cum anguli  $QMC$ ,  $QNC$  sint recti, erunt anguli  $MQN$ ,  $MCN$  aequales duobus rectis; ac proinde angulus  $MCN$  aequalis erit angulis  $QMN$ ,  $MNQ$ ; adeoque angulus  $MCN$  est ejusdem ordinis, ac est arcus  $MN$ , seu chorda  $MN$  (1); sed anguli  $CNM$ ,  $CMN$  sunt finiti, & acuti, cum singuli differant a recto quantitate infinitesima; hinc rectae  $CM$ ,  $CN$  sunt finitae, & earum differentia  $MO$  est infinitesima (2). Praeterea ob angulos rectos  $CMQ$ ,  $CNQ$  erunt quadrata  $CM$ ,  $MQ$  aequalia quadratis  $CN$ ,  $NQ$ ; hinc cum  $CM$  ponatur major  $CN$ , erit  $QN$  major  $MQ$ ; ex recta  $QN$  abscindatur  $QS$  aequalis  $MQ$ , & ducatur  $MS$ , erunt anguli  $SMN$ ,  $MNS$  aequales angulo  $MSQ$ , seu  $SMQ$ ; hinc angulus  $NMS$  est semidifferentia angulorum  $QMN$ ,  $MNQ$ ; adeoque angulus  $SMN$  erit infinitesimus respectu ad angulum  $MNS$  per suppositionem, &  $SN$

(1) per  
3. prop.

(2) per  
prop. 10.  
lib. 1.

(1) per  
prop. 14.  
lib. 1.

&  $S N$  erit infinitesima respectu  $S M$  (1); ac proinde respectu  $S Q$ . Si igitur a quadratis  $C M$ ,  $M Q$  ex una parte, & a quadratis  $C N$ ,  $N Q$  ex altera, auferantur communiter quadrata  $M Q$ ,  $C N$ , remanebit tandem rectangulum  $C O M$  aequale rectangulo  $Q S N$ , spre-  
tis differentiis infinitesimis respectivis. Ergo  $C O$  est ad  $Q S$ , ut  $S N$  est ad  $M O$ ; sed  $Q S$  est infinitesima respectu  $C M$  &  $N S$  est infinitesima respectu  $S Q$ . Ergo  $M O$  est infinitesima ordinis superioris ordine duplo majore rectae  $Q S$ , seu  $M N$ , seu sinus recti  $N R$ ; sed  $R O$  est infinitesima ordinis duplo majoris sinus recti  $N R$  (2). Ergo  $M O$  est infinitesima respectu  $O R$ .  
Idipsum verificatur respectu ad alia puncta arcuum  $M N$ ,  $O N$ ; nam ducto quolibet radio  $C D Z$ , & ex  $N$  sinu recto  $N X$ , eodem modo demonstratur  $D Z$  esse infinitesimam respectu  $D X$ , & multo magis respectu  $D F$ . Si igitur ex  $Z$  ducatur normalis ad  $R N$ , erit  $Z E$  infinitesima respectu  $E L$ , ut colligitur ex notis circuli proprietatibus. Ergo  
cur-

(2) per  
prop. 1.  
lib. 2.

curvatura arcus  $M N$  non differt a curvatura arcus  $N O$  (1). *Q. E. D.*

(1) per lemma.

## PROPOSITIO XIV.

**I**N curva  $T M N$  superioris propositionis, Fig. 19.  
si sumantur duo arcus successivi  $M T$ ,  
 $M N$  infinitesimi cujuscunque ordinis,  
sed ejusdem; & ex punctis  $T$ ,  $M$ ,  $N$   
erigantur normales ad curvam  $T G$ ,  $N C$   
intersecantes normalem ad curvam  $M C$ ;  
dico interceptam  $C G$  esse infinitesimam.

Demonst. Producat  $T G$  usquedum  
concurrat cum  $N C$  in  $V$ . Differentia  
inter  $T V$ ,  $V N$  erit ordinis superioris  
ordine duplo majore arcus  $T M N$ ,  
seu anguli  $T V N$ ; addita communiter  
 $C V$ , erit differentia inter  $T V + V C$ ,  
&  $C N$  ordinis superioris ordine duplo  
majore arcus  $T M N$ , seu anguli  $T V N$ ;  
sed  $C M$  non differt a  $C N$ , &  $G M$   
a  $G T$ , nisi quantitate infinitesima ordi-  
nis superioris ordine duplo majore ar-  
cum  $M N$ ,  $M T$ . Ergo differentia in-

*Q*

ter

(1) per  
prop. 13.  
lib. I.

ter  $T V \perp V C$ , &  $C M$ , seu inter  
 $T V \perp V C$ , &  $T G \perp C G$ , seu  
inter  $G V \perp V C$ , &  $C G$  erit infi-  
tesima ordinis superioris ordine duplo  
majore arcus  $T M N$ , seu anguli  $T V N$ ;  
sed in triangulo  $G V C$ , ob angulos  
 $C G V$ ,  $G C V$  infinitimos ejusdem  
ordinis, differentia inter latera  $G V \perp$   
 $V C$ , & basim  $C G$  est infinitesima res-  
pectu ad  $C G$  ordinis duplo majoris an-  
guli  $G V N$  (1). Ergo eadem differen-  
tia respectu ad  $C M$ , seu ad quanti-  
tatem finitam est infinitesima ordinis su-  
perioris ordine duplo majori anguli  $T$   
 $V N$ ; respective vero ad  $C G$  est in-  
finitesima ordinis duplo majoris ordine  
ejusdem anguli  $T V N$ . Ergo  $C G$  est  
infinitesima. *Q. E. D.*

### COROLLARIUM I.

Idipsum cum demonstretur de omni-  
bus aliis successivis interceptis  $C G$  eo-  
dem modo determinatis, hinc patet om-  
nia puncta, in quibus sese intersecant  
normales ad curvam infinite proximae,  
esse



esse in alia curva, ex. gr.,  $CGI$ , quae respectu ad curvam  $TMN$  illius *evoluta* dicitur; curva vero  $TMN$  *genita ex evoluta*  $CGI$  appellatur; nam si pedetentim solvatur filum circumplicatum circa evolutam  $IGC$ , punctum extremum  $I$ , ex. gr., describet curvam  $TMN$ ; normales  $MG$ ,  $NC$  &c. determinatae per intersectionem normalium infinite proximarum nuncupantur *radii osculatorii*; circulus vero singulis hisce radiis descriptus appellatur circulus osculi.

### COROLLARIUM II.

Duae praecedentes propositiones verificantur etiam si arcus  $MN$  sit infinitesimus ordinis superioris, vel inferioris relate ad angulos  $QMN$ ,  $MNQ$ , dummodo differentia horum angulorum sit respectively infinitesima; nam angulus  $SMN$  est semper infinitesimus relate ad angulum  $QMN$ , seu  $MNQ$ ; adeoque  $SN$  est semper infinitesima respectu  $SQ$ , seu respectu  $MN$ , seu respectu  $NR$ . Igitur cum radius  $CO$  non  

$Q_2$ 
possit

possit esse ordinis superioris sinus recti  $R N$ , sed ad summum ejusdem ordinis, quando scilicet anguli  $Q M N$ ,  $M N Q$  sunt finiti; hinc  $M O$  est semper infinitesima respectu  $R O$ ; nam  $M O$  est quarta proportionalis post  $C O$ ,  $Q S$ ,  $S N$ ; &  $R O$  est tertia proportionalis post  $C O \mp C R$ , &  $R N$ . Similiter differentia inter  $G V \mp V C$ , &  $C G$  respectu ad  $C M$  est semper infinitesima ordinis superioris ordine duplo majore arcus  $T M N$ , seu anguli  $T V N$ ; sed differentia inter  $G V \mp V C$ , &  $G C$  respectu  $C G$  est infinitesima ordinis duplo majoris anguli  $T V N$ . Ergo  $C G$  est semper infinitesima respectu  $C M$ .

... — *SCHOLION.*

In triangulo  $M C N$ , posita basi  $M N$  infinitesima ejusdem ordinis relate ad assignabilem, ac est angulus  $M C N$ , latera  $M C$ ,  $C N$  sunt finita; nam ut ordo anguli  $M C N$  ad angulum finitum  $C N M$ , ita ordo rectae  $M N$  ad ordinem rectae  $C M$ ; sed  $M N$  est ejusdem

dem ordinis relate ad finitum, ac est angulus  $M C N$  relate ad angulum finitum; ergo  $C M$  est finita. Si vero  $M N$  relate ad assignabilem est infinitesima ordinis superioris respectu ad ordine anguli  $M C N$ , tunc  $C M$  est infinitesima. Si tandem  $M N$  est infinitesima ordinis inferioris, tunc  $M N$  est finita. Ergo curvatura arcus  $N O$ , seu  $N M$  in primo casu aequalis est curvaturae circuli finiti, in secundo casu est major, in ultimo vero est minor omni circulo finito.

### PROPOSITIO XV.

**S**It  $M N$  arcus infinitesimus cujuscunque ordinis curvae  $N M T$ , in qua, ducta chorda  $M N$ , & tangentibus  $M Q$ ,  $Q N$ , sint anguli  $Q M N$ ,  $M N Q$  simul sumpti ejusdem ordinis, ac est arcus, sed utcunque inaequales; si ex punctis  $M$ , &  $N$  ad tangentes  $M Q$ ,  $Q N$  erigantur normales concurrentes in  $C$ , & centro  $C$  intervallo  $C N$  describatur  
arcus

Fig. 19.

arcus  $N O$ ; dico curvaturam arcus  $M N$  differre a curvatura arcus  $N O$ .

(1) per  
prop. 13.  
or 14.  
lib. 1.

Demonst. Ducantur rectae  $MS$  &c. ut in propositione decima tertia. Angulus  $SMN$  semidifferentia angulorum  $QMN$ ,  $MNQ$  vel est ejusdem ordinis, ac est angulus  $MNQ$ , vel relate ad hunc est infinitus; ergo  $SN$  est semper ejusdem ordinis rectae  $MN$  (1), seu sinus recti  $NR$ . Cum igitur in hoc casu sit bisrectangulum  $CO$  in  $OM$  aequale bisrectangulo  $QS$  in  $SN$   $\mp$  quadrato  $SN$ ; ergo  $MO$  est quarta proportionalis post bis sinum totum  $CO$ , post bis  $QS$   $\mp$   $SN$ , & post  $SN$ . Sed bis  $QS$   $\mp$   $SN$ , &  $SN$  sunt ejusdem ordinis; hinc  $MO$  relate ad  $CO$  est ordinis ~~duplo majoris~~ rectae  $QN$ , seu sinus recti  $NR$ ; sed etiam  $RO$  relate ad  $CO$  est infinitesima ordinis dupli majoris sinus recti  $NR$ ; ergo  $MO$ , &  $OR$  sunt ejusdem ordinis. Idipsum cum demonstretur de aliis rectis infinitis  $ZE$ , &  $EL$ ; ergo curvatura arcus  $MN$  differt a curvatura arcus  $NO$  (2).

(2) per  
lemma.

$Q. E. P.$

PRO-

## PROPOSITIO XVI.

**I**N curva antecedentis propositionis, si Fig. 19.  
sumantur duo arcus  $T M$ ,  $M N$  infinitesimi cujuscunque ordinis, & ex punctis  $T$ ,  $M$ ,  $N$  ducantur normales ad curvam  $T V$ ,  $M C$ ,  $N C$  sese interfecantes in punctis  $G$ ,  $V$ ,  $C$ ; dico interceptam  $C G$ , & rectam  $G M$  esse ejusdem ordinis.

Demonst. Differentia inter  $T V$ ,  $V N$  respectu  $C M$  est infinitesima ordinis duplo majoris anguli  $T V N$  (1); ergo argumentando, ut in propositione decima quarta, erit differentia inter  $G V + V C$ , &  $G C$  respectu  $C M$  ordinis duplo majoris anguli  $T V N$ ; sed differentia inter  $G V + V C$ , &  $G C$  respectu ipsius  $C G$  est infinitesima ordinis duplo majoris anguli  $T V N$ ; ergo eadem differentia est infinitesima ejusdem ordinis tum respectu  $C M$ , tum respectu  $G C$ ; adeoque  $M C$ ,  $G C$  sunt ejusdem ordinis. *Q. E. D.*

(1) per  
praece-  
dentem.

CO-

## COROLLARIUM.

Hinc patet curvas hujusmodi non habere radium osculatorium, neque circulum osculi, neque evolutam.

## SCHOLIUM.

Methodi hactenus traditae pro determinandis evolutis curvarum, locum dumtaxat habere possunt in curvis propositionis decimae tertiae, in quibus anguli, facti a chorda infinitesima, & tangentibus ductis per extremitates istius chordae, non differunt, nisi infinitesima quantitate respective. Sed advertendum est plures curvas, sumptis arcubus infinitesimis ordinis superioris, habere praerequisitam conditionem, licet tali conditione non gaudeant, sumptis arcubus infinitesimis ordinis inferioris, ut colligitur ex corollario primae propositionis; adeoque pro determinandis evolutis harum curvarum confugiendum est ad arcus infinitesimos ordinis superioris.

PRO-

## PROPOSITIO XVII.

**S**it  $SC$  radius infinitus cujuscunque ordinis circuli  $ACB$ , in quo sumatur arcus  $AB$  infinitesimus cujuscunque ordinis, incipiendo a primo relate ad finitum; dico nullam dari parabolam primam  $CX$  ex infinitis ordinibus, habentem parametrum  $CZ$  finitam, cujus vertex habeat eandem curvaturam arcus  $ACB$ . Fig. 20.

Demonst. Ex arcu  $CA$  ducatur quaelibet ordinata  $AM$  in communem axem  $CR$ , quae secet parabolam in  $X$ . Si curvatura arcus  $CX$  non differt a curvatura arcus  $AC$ , est  $AX$  infinitesima respectu  $XM$ ; adeoque rectangulum  $RM$  in  $MC$  multiplicatum in potentiam determinatam ordinatae  $AM$  non differt a rectangulo  $RM$  in  $MC$  multiplicato in potentiam eandem rectae  $XM$  (1); sed potentia praedicta rectae  $XM$  multiplicata in rectangulum  $RM$  in  $MC$ , seu in quadratum  $MA$ , seu in quadratum  $MX$  aequatur determinatae potentiae

$R$

(1) per  
prop. 20.  
lib. 1.

tiae parametri  $Z$ .  $C$  multiplicatae in  $C M$ .  
 Ergo rectangulum  $R M$  in  $M C$  mul-  
 tiplicatum in potentiam  $A M$  aequatur  
 determinatae potentiae parametri  $C Z$   
 multiplicatae in  $C M$ . Ergo  $R M$  mul-  
 tiplicata in potentiam rectae  $A M$  ae-  
 quatur determinatae potentiae parametri  
 $C Z$ . Idipsum demonstratur de quavis  
 alia recta  $R m$  multiplicata in eandem  
 potentiam rectae  $a m$ ; ergo  $R M$  mul-  
 tiplicata in potentiam rectae  $A M$  non dif-  
 fert, nisi infinitesima quantitate, a recta  
 $R m$  multiplicata in eandem potentiam  
 rectae  $a m$ ; sed  $R M$ ,  $R m$  non diffe-  
 runt, nisi infinitesima quantitate  $M m$ .  
 Ergo potentiae eadem rectarum  $A M$ ,  
 $a m$  non possunt differre, nisi infinitesi-  
 ma quantitate ~~respective~~. Quod cum fal-  
 sum sit, falsum etiam erit curvaturam  
 arcus  $C X$  non differre a curvatura ar-  
 cus  $C A$ . *Q. E. D.*

PRO-



## PROPOSITIO XVIII.

**S**I in puncto quolibet A occurrant duae curvae A B M, A C N, in quibus, sumptis circa idem punctum A arcubus infinitesimis A B, A C, ductisque chordis A B, A C, angulus B A C non sit infinitesimus, vel non differat a duobus rectis quantitate infinitesima; dico huic puncto duas competere tangentes; si vero angulus B A C sit infinitesimus, vel differat a duobus rectis quantitate infinitesima; dico huic puncto unam duntaxat competere tangentem.

Fig. 21.  
22. 23.  
24.

Demonst. prima pars. In puncto A ducantur tangentes S A T, s A t ad arcus A B M, A C N. Quoniam arcus B A, A C sunt infinitesimi, & punctum A est ab utroque exclusum, hinc anguli B A S, C A s sunt infinitesimi (1), qui si addantur angulo B A C in figura 21., vel deducantur ab angulo B A C in figura 22., vel eidem angulo B A C addatur unus B A S, deducatur alius C A s, in figura 23., &

(2) per  
prop. 2.

R 2

24.,

24. , resultabit angulus  $S A s$  intersectionis tangentium  $S A T$ ,  $s A t$ , qui neque erit infinitesimus, neque differet a duobus rectis quantitate infinitesima. Ergo tangentes  $S A T$ ,  $s A t$  se intersecant ad angulos finitos; adeoque veluti unica tangens considerari non possunt. *Q. E. P.*

Demonst. secunda pars. Si angulus  $B A C$  vel est infinitesimus, ut in figura 22., & 23., vel differt a duobus rectis quantitate infinitesima, ut in figura 21., & 24., tunc etiam angulus  $S A s$  in figura 22., & 23. erit infinitesimus; in figura vero 21., & 24. differt a duobus rectis quantitate infinitesima; & per consequens in hisce figuris ~~angulus  $S A t$~~  est infinitesimus. Ergo tangentes  $S A T$ ,  $s A t$ , ut unica tangens spectari possunt. *Q. E. S.*

#### COROLLARIUM.

Quod dictum est de duabus curvis circa punctum  $A$  existentibus, idem dici potest de infinitis.

SCHO-

## SCHOLION I.

Secunda pars propositionis falsa esse potest, si curvatura circa punctum  $A$  sit minor omni circulo finito; etenim fieri potest in hoc casu, ut angulus  $S A t$  in figura 21., & 24., vel  $S A s$  in figura 22. & 23. sit infinitesimus ordinis inferioris relate ad ordinem anguli  $B A S$ , facti a tangente  $A S$  cum chorda infinitesima  $B A$ ; & tunc tangentes  $S A T$ ,  $s A t$ , ut unica tangens considerari non possunt; quod certe animadversione dignum est.

## SCHOLION II.

Quando circa punctum  $A$  sunt plures tangentes, tunc punctum illud appellatur *punctum intersectionis*; quando unica est tantum tangens, tunc punctum illud in figura 21. non habet nomen peculiare; in figura 22., & 23. dicitur punctum *regressus*; in figura 24. dicitur punctum *flexus contrarii*. Igitur in puncto flexus contrarii, quae est tangens ad u-

R 3

num

num arcum  $A B M$ , est etiam tangens ad alium  $A C M$ .

### SCHOLION III.

Fig. 25.,  
26., 27.,  
28.

Si in aliquo puncto  $D$  alicujus curvae, pars  $X M$  ordinatae  $S M$ , intercepta inter curvam, & tangentem, evadat nihilo aequalis, aut infinita, hoc est, si intercepta  $X M$  evadat ordinis superioris, vel inferioris relate ad ordinem ejusdem interceptae in aliis punctis curvae, tunc communiter existimatum est punctum illud aut esse punctum flexus contrarii, aut regressus; verum hoc generaliter loquendo falsum esse patet ex eo, quod in punctis etiam, in quibus tangens  $D M$  simpliciter parallela est, vel normalis diametro  $B A$ , intercepta  $X M$  evadit nulla, vel infinita, sensu jam explicato, absque eo quod punctum  $D$  sit punctum flexus contrarii, aut regressus. Igitur ex eo, quod pars ordinatae intercepta inter curvam, & tangentem sit nihilo aequalis, aut infinita, nil aliud inferri potest, quam punctum

ctum D esse punctum peculiare curvae, in quo vel adest maximum aliquod, vel minimum, vel punctum flexus contrarii, vel regressus. Ut autem determinemus utrum in puncto D sit maximum aliquod, aut minimum, vel flexus contrarius, vel regressus, puto nullam aliam tutiorem viam nos ingredi posse, quam recurrendo ad puncta S, R infinite proxima puncto B, & hinc inde ab eodem puncto B accepta in linea abscissarum, & observando utrum hisce punctis conveniant ordinatae, si sint positivae, an negativae; utrum etiam interceptae inter curvam, & tangentem sint positivae, an negativae, licet sint cujuscunque ordinis infinitesimorum; nam ex horum combinatione facile eruitur quam mutationem subeat curva in puncto D. Sit itaque, ex. gr., punctum D curvae A D C tale, ut intercepta inter curvam, & tangentem N D M sit nihilo aequalis, seu infinitesima ordinis superioris relate ad ordinem aliarum interceptarum in caeteris punctis ejusdem curvae; sumantur duo puncta S, R hinc inde a puncto

cto

cto B in linea abscissarum, & huic puncto infinite proxima; supponamus puncto S competere unicam ordinatam SX, & puncto R unicam ordinatam ZR ambas positivas, aut negativas, tum interceptas XM, ZN inter curvam, & tangentem esse ambas negativas; ut in figura 25., & in hoc casu arcus AD, DC ambo vertunt concavitatem ad diametrum BA, unus ex una parte, alius ex alia ordinatae BD. Ergo in puncto D neque est flexus contrarius, neque regressus; sed tantum ordinata BD erit maxima ex ordinatis istorum arcuum. Si intercepta XM esset negativa, & NZ positiva, ut in figura 26., tunc arcus AD vertit concavitatem, & DC convexitatem ad diametrum AB, unus ex una parte, alius ex alia ordinatae BD. Ergo punctum D erit punctum flexus contrarii. Si in puncto R ordinatae sint imaginariae, sed puncto S competant duae ordinatae SX, SZ ambae positivae, aut negativae, & interceptae XM, ZM sint ambae negativae ut in figura 27., tunc arcus AD,  
 B C

**B C** ambo vertunt concavitatem ad diametrum **A B**, sed ambo ex eadem parte ordinatae **B D**. Ergo punctum **D** est punctum regressus primae speciei. Si vero intercepta **X M** sit negativa, & **M Z** e contra sit positiva, tunc arcus **A D** concavitatem arcus **D E** convexitatem vertit ad diametrum **A B** ex eadem parte ordinatae **B D**. Ergo punctum **D** est punctum regressus alterius speciei. Et sic eadem methodo procedendo in aliis combinationibus, non erit difficile determinare alterationem curvae in puncto **D**. Atque haec est methodus, qua usus est etiam celeberrimus Pater Vincentius Riccati Societatis Jesu in Dissertatione, quae inscribitur: *Animadversiones in fractionem, cujus numerator & denominator per certam determinationem nibilo aequales fiunt*: quae inserta est Tom. 2. Comm. Academiae Bononiensis. Et haec mihi videntur sufficere pro Elementis Geometriae Infinitesimorum.

APPRO-

## A P P R O B A T I O .

**J**USSU Reverendiss. P. D. Cberubini Branc-  
 nii Abbatis Generalis Congregationis Cae-  
 lestinatorum diligenter expendimus librum, cui  
 titulus est  $\equiv$  Elementa Geometriae infini-  
 tesimorum  $\equiv$  a P. D. Hieronymo Saladini  
 ejusdem Congregationis Monacho compositum,  
 & quum in ea Translatione nihil Religioni  
 & moribus adversum nobis occurrerit; imo  
 vero quum dirigendis, & juvandis studiis  
 sublimioris Mathesecos mirifice opportuna  
 visa sit, hinc typis evulgari posse, sen-  
 tentia nostra est.

D. Fridericus de Judice Abbas S. Eu-  
 sepii Romae.

D. Appianus Bonafedius Abbas S. Jo-  
 annis Baptistae Bononiae.

D. CHE-



D. CHERUBINUS BRANCONIUS  
 Abbas Generalis Congregationis  
 Caelestinorum.

*Q*Uum duó Congregationis nostrae Theologi expenderint opus, cujus titulus est  
 = Elementa Geometriae infinitesimorum =  
 atque edi posse retulerint, facultatem facimus D. Hieronymo Saladini Operis auctori illud typis evulgandi, si iis, ad quos spectat, ita videbitur.

Datum ex nostro Monasterio S. Jo. Baptistae Bononiae die 1. Maji Anno 1760.

D. Cherubinus Branconius.  
 Abbas Generalis.

D. Michael Sangiorgius a Secretis.

*Vidit*

*Vidit D. Joannes Maria Vidari Clericus Regularis S. Pauli , & in Ecclesia Metropolitana Bononiae Poenitentiarius pro Eminentissimo , & Reverendissimo Domino D. VINCENTIO Cardinali MALVE-  
TIO Archiepiscopo Bononiae , & S. R. I. Principe.*

*Die 5. Julii 1760.*

*Imprimatur .*

*F. P. P. Salvatori Vicarius Generalis Sancti Officii Bononiae .*

## ERRATA.

## CORRIGE.

Pag. lin.

62 10 infinitum

finitum

65 7 S R respectu S M S M respectu S R

68 10 Q N, N R N R, Q N





11 Q O, O R O R, Q O

69 2 Q O, O R O R, Q O







*Propositioni XVII. Lib. Pr. Pag. 34 lin. 6 adde;*  
 modo angulus A C B non sit rectus,  
 neque differat a recto quantitate in-  
 finitissima.

THE  
SOCIETY OF  
THE  
SACRAMENT  
OF THE  
EUCCHARIST  
IN THE  
CATHOLIC CHURCH

THE  
SOCIETY OF  
THE  
SACRAMENT  
OF THE  
EUCCHARIST  
IN THE  
CATHOLIC CHURCH






























185

